





校 正
音 訓

新刻文選正文

十





新刻文選正文音訓卷之十

門人 小林祐信校

檄類

喻巴蜀檄

司馬相如

擅音繼專也

享獻也
燹蒲北友
燹貝也
燹同燹徒
果切
燹足也
燹魚
容切

告巴蜀太守。蠻夷自擅。不討之日久矣。時侵犯邊境。勞士大夫。陛下即位。存撫天下。安集中國。然後興師出兵。北征匈奴。單于怖駭。交臂受事。屈膝請和。康居西域。重譯納貢。稽顙來享。移師東指。閩越相誅。右弔番禺。太子入朝。南夷之君。西燹之長。常效貢職。不敢僇怠。延頸舉踵。喁喁然皆嚮風慕義。欲為臣妾。道里遼遠。山川阻深。不能自致。夫不順者已誅。而為善者未賞。故遣中郎將往賓之。發巴蜀之士各五百人。以奉幣帛。衛使者。不然。靡有兵革之事。戰鬪之患。今聞其乃發軍興制。驚懼子弟。憂患長老。郡又擅為轉粟運輸。皆非陛下之

攝寧樸切又奴類切

析中分也

抵丁禮切

意也。當行者或亡逃，自賊殺亦非人臣之節也。夫邊郡之士，聞烽舉燧燔，皆攝弓而馳，荷兵而走，流汗相屬，唯恐居後。觸白刃，冒流矢，議不反顧，計不旋踵，人懷怒心，如報私讐，彼豈樂死惡生，非編列之民，而與巴蜀異土哉？計深慮遠，急國家之難，而樂盡人臣之道也。故有剖符之封，析珪而爵，位為通侯，處列東第，終則遺顯號於後世，傳土地於子孫，行事甚忠，敬居位，甚安逸，名聲施於無窮，功烈著而不滅，是以賢入君子，肝腦塗中原，膏液潤野草，而不辭也。今奉幣役，至南夷，即自賊殺或亡逃，抵誅身死，無名謚，為至愚，恥及父母，為天下笑。人之度量相越，豈不遠哉！然此非獨行者之罪也。父兄之教不先，子弟之率不謹，寡廉鮮耻，而俗不長厚也。其被刑戮，不亦宜乎！陛下患使者有司之若彼，悼不肖愚民之如此，故遣信使曉喻百姓，以發卒之事，因數之以不忠死亡之罪，讓二三老孝悌，以不教誨之過。方今田時，重煩百姓，已親見近縣，恐遠所谿谷山澤之民，不徧聞檄到，亟下縣道，使咸喻陛下之意，無忽。

為袁紹檄豫州

陳琳

左將軍領豫州刺史郡國相守，蓋聞明主圖危，以制變，忠臣慮難，以立權。是以有非常之人，然後有非常之事；有非常之事，然後立非常之功。夫非常者，故非常人所擬也。曩者強秦弱主，趙高執柄，專制朝權，威福由己，時人迫脅，莫敢正言。終有望夷之敗，祖宗焚滅，汗辱至今，永為世鑒。及臻呂后季年，產祿專政，內兼三軍，外統梁趙，擅斷萬機，決事省禁，下陵上替，海內寒心。於是絳侯朱虛興兵奮怒，誅夷逆暴，尊立太宗。

重難也慎也

亟急也

擬度也強暴也

音縮

音蓋

醫職酒及父之鏡
反標匹妙切

音脾

佻勅聊反

勑女六反

賊子六切

惡也

故能王道興隆。光明顯融。此則大臣立權之明表也。司空曹
操。祖父中常侍騰。與左悺。徐璜。並作妖孽。餐餐放橫。傷化虐
民。父嵩。乞匄。攜養。因賊假位。與金犖。壁輪。貨權。門竊盜鼎司。
傾覆重器。操贅閹。遺醜。本無懿德。獫狁鋒協。好亂樂禍。幕府
董統。鷹揚。掃除凶逆。續遇董卓。侵官暴國。於是提劍揮鼓。發
命東夏。收羅英雄。棄取用故。遂與操同諮。合謀授以禪師。
謂其鷹犬之才。爪牙可任。至乃愚佞短略。輕進易退。傷夷折
刃。數喪師徒。幕府輒復分兵。命銳修完。補輯表行。東郡太守。
領兗州刺史。被以虎文。獎蹙威柄。冀獲秦師。討之報而操。
遂承資跋扈。肆行凶忒。割剝元元。殘賢害善。故九江太守邊
讓。英才俊偉。天下知名。直言正色。論不阿諂。身首被梟懸之。
誅。妻孥受灰滅之咎。自是士林憤痛。民怨彌重。一夫奮臂。舉

登成也。攪胡慢切
丑慈與切
盜也
勳同敷

恥榮懈及匪五懈
反務營也。登橫也

州同聲。故躬破於徐方。地奪於呂布。彷徨東裔。踰據無所。幕
府惟彊。榦弱枝之義。且不登叛人之黨。故復援旌擐甲。席卷
起征。金鼓響振。布衆奔沮。拯其死亡之患。復其方伯之位。則
幕府無德於兗土之民。而有大造於操也。後會鸞駕。反旆羣
虜。寇攻時冀。州方有北鄙之警。匪遑離局。故使從事中郎徐
勳。就發遣操。使繕修郊廟。翊衛幼主。操便放志。專行僭遷。當
御省禁。卑侮王室。敗法亂紀。坐領三臺。專制朝政。爵賞由心。
刑戮在口。所愛光五宗。所惡滅三族。羣談者受顯誅。腹議者
蒙隱戮。百僚鉗口。道路以目。尚書記朝會。公卿充員品而已。
故太尉楊彪。典歷三司。享國極位。操因緣眦睚。被以非罪。榜
楚參并。五毒備至。觸情任忒。不顧憲綱。又議郎趙彥。忠諫直
言。義有可納。是以聖朝含聽。改容加飾。操欲迷奪。時明杜絕。

裸胡寡友

施布也

詰去質切

撓女教反

言路擅收立殺不俟報聞又梁孝王先帝母昆墳陵尊顯桑梓松柏猶宜肅恭而操帥將吏士親臨發掘破棺裸尸掠取金寶至令聖朝流涕士民傷懷操又特置發丘中郎將摸金校尉所過墮突無骸不露身處三公之位而行桀虜之態于國虐民毒施人鬼加其細政慘苛科防互設罾繳充蹊坑穿塞路舉手挂網羅動足觸機陷是以兗豫有無聊之民帝都吁嗟之怨歷觀載籍無道之臣貪殘酷烈於操為甚幕府方詰外姦未及整訓加緒含容冀可彌縫而操豺狼野心潛包禍謀乃欲摧撓棟梁孤弱漢室除滅忠正專為梟雄往者伐鼓犯公孫瓚彊寇桀逆拒圍一年操因其未破陰交書命外助王師內相掩襲故引兵造河方舟北濟會其行人發露瓚亦梟夷故使鋒芒挫縮厥圖不果耳乃大軍過蕩西山屠

摺章獵切

深他答反

騎居蟻切辰足也

炳與熱同炳也

揚王獵及歛也

各左校皆束手奉質爭為前登大羊殘醜消淪山谷於是操師震懼晨夜連遁屯據敖倉阻河為固欲以螳螂之斧禦隆車之隧幕府奉漢威靈折衝宇宙長戟百萬胡騎千羣奮中黃育獲之士騁良弓勁弩之勢并州越太行青州涉濟漯太軍汎黃河而角其前荊州下宛葉而騎其後雷震虎步並集虜庭若舉炎火以炳飛蓬覆滄海以沃燦炭有何不滅者哉又操軍吏士其可戰者皆出自幽冀或故營部曲咸怨曠思歸流涕北顧其餘兗豫之民及呂布張揚之遺眾覆亡迫脅權時苟從各被創夷人為雙敵若廻旆方徂登高岡而擊鼓吹揚素揮以啓降路必土崩瓦解不俟血刃方今漢室陵遲綱維弛絕聖朝無一介之輔股肱無折衝之勢方畿之內簡練之臣皆垂頭搨翼莫所憑恃雖有忠義之佐脅於暴虐之

義惠切

見胡面友

禪音脾廣遠也

宣通也

班布也

子發機時也

臣焉能展其節又操持部曲精兵七百圍守宮闕外託宿衛
內實拘執懼其篡逆之萌因斯而作此乃忠臣肝腦塗地之
秋烈士立功之會可不勗哉操又矯命稱制遣使發兵恐邊
遠州郡過聽給與疆寇弱主違眾旅叛舉以喪名為天下笑
則明哲不取也即日幽并青冀四州並進書到荊州使勒見
兵與建忠將軍協同聲勢州郡各整戎馬羅落境界舉師揚
威並匡社稷則非常之功於是乎著其得操首者封五千戶
侯賞錢五十萬部曲偏禪將校諸吏降者勿有所問廣宣恩
信班揚符賞布告天下咸使知聖朝有拘偪之難如律令

檄吳將校部曲文

陳琳

年月朔日子尚書令或告江東諸將校部曲及孫權宗親中
外蓋聞禍福無門惟人所召夫見機而作不處凶危上聖之

齊側皆切

角

罄盡也漢浦發

屈音墟

獨音昌禮胡胡友

明也臨事制變因而能通智者之慮也漸漬荒沈往而不反
下愚之蔽也是以大雅君子於安思危以遠咎悔小人臨禍
懷佚以待死亡二者之量不亦殊乎孫權小子未辨菽麥要
領不足以膏齊芥名字不足以濟簡墨譬猶敲卵始生翰毛
而便陸梁放肆顧行吠主謂為舟楫足以距皇威江湖可以
逃靈誅不知天網設張以在綱目鯨鱗之魚期於消爛也若
使水而可恃則洞庭無二苗之墟子陽無荆門之敗朝鮮之
壘不刊南越之旌不拔昔夫差承闔閭之遠跡用申胥之訓
兵棲越會稽可謂彊矣及其抗衡上國與晉爭長都賦屠於
勾踐武卒散於黃池終於覆滅身罄越軍及吳王濞驕恣屈
彊猾猾始亂自以兵彊國富勢陵京城太尉帥師甫下滎陽
則七國之軍瓦解冰泮之罵言未絕於口而丹徒之刃以

時直里切止也

陷其胷何則天威不可當而恃逆之罪重也且江湖之衆不足恃也自董卓作亂以迄於今將二十載其間豪傑縱橫熊據虎踞彊如袁勇如呂布跨州連郡有威有名者十有餘輩其餘鋒悍特起鷓視狼顧爭為梟雄者不可勝數然皆伏鉄嬰鉞首腰分離雲散原燎罔有孑遺近者關中諸將復相合聚續為叛亂阻二華據河渭驅率羌胡齊鋒東向氣高志遠似若無敵丞相秉鉞鷹揚順風烈火元戎啟行未鼓而破伏尸十萬流血漂橈此皆天下所共知也是後大軍所以臨江而不濟者以韓約馬超逋逸逆脫走還涼州復欲鳴吠逆賊宋建僭號河首同惡相救並為屠齒又鎮南將軍張魯負固不恭皆我王誅所當先加故且觀兵旋旆復整六師長驅西征致天下誅偏將涉隴則建約梟夷於首萬里軍入散關

抽音香

於音精同旆

朴音浮實音案漢胡郭反各音護

則羣氏率服王侯豪帥奔走而驅進臨漢中則陽平不守十萬之師土崩魚爛張魯連竄走入巴中懷恩悔過資還降巴夷王朴胡賓邑侯杜濩各帥種落共舉巴郡以奉王職鉦鼓一動一方俱定利盡西海兵不鈍鋒若此之事皆上天威明社稷神武非徒人力所能立也聖朝寬仁覆載允信允文大啓爵命以示四方魯及胡濩皆享萬戶之封魯之五子各受千室之邑胡濩子弟部曲將校為列侯將軍以下千有餘人百姓安堵四民反業而建約之屬皆為鯨鯢超之妻孥焚首金城父母嬰孩覆尸許市非國家鍾禍於彼降福於此也逆順之分不得不然夫鷓鳥之擊先高攬鷓之勢也牧野之威孟津之退也今者荆棘剪扞戎夏以清萬里肅齊六師無事故大舉天師百萬之衆與匈奴南單于呼完厨及八郡烏

攬俱縛反扞音捍衛也

四民去聲上商

音皇
魏蒲墨反

音尼

整徒對切惡也

桓丁令屠各湟中羌燹。寔奮席卷自壽春而南。又使征西將軍夏侯淵等率精甲五萬及武都氏羌巴漢銳卒南臨汶江。搃據庸蜀。江夏襄陽諸軍橫截湘沅。以臨豫章。樓船橫海之師直指吳會。萬里尅期。五道並入。權之期命於是至矣。丞相銜奉國威。為人除害。元惡大憝。必當梟夷。至於枝附葉從。皆非詔書所特禽。疾故每破滅。彊敵未嘗不務在先降。後誅。拔將取才各盡其用。是以立功之士莫不翹足引領。望風響應。昔袁術僭逆。王誅將加。則廬江太守劉勲先舉其郡。還歸國。家呂布作亂。師臨下邳。張遼侯成率眾出降。還討眭固。薛洪。穆尚。開成就。化官渡之役。則張郃高負舉事。立功後討袁尚。則都督將軍馬延。故豫州刺史陰夔。射聲校尉郭昭。臨陣來降。圍守鄴城。則將軍蘇游。反為內應。審配兄子開門入兵。既

射食亦切

眭息為反
穆音流郃烏合反

泥溺也

誅袁譚。則幽州大將焦觸。攻逐袁熙。舉縣來服。凡此之輩。數百人。皆忠壯果烈。有智有仁。悉與丞相參圖書策。折衝討難。芟敵擐旗。靜安海內。豈輕舉措也哉。誠乃天啓其心。計深慮遠。審邪正之津。明可否之分。勇不虛死。節不苟立。屈伸變化。唯道所存。故乃立丘山之功。享不訾之祿。朝為仇虜。夕為上將。所謂臨難知變。轉禍為福者也。若夫說誘甘言。懷寶小惠。泥滯苟且。沒而不覺。隨波漂流。與燹俱滅者。亦甚眾多。吉凶得失。豈不哀哉。昔歲軍在漢中。東西懸隔。合肥遺守。不滿五千。權親以數萬之眾。破敗奔走。今乃欲當禦雷霆。難以冀矣。夫天道助順。人道助信。事上之謂義。親親之謂仁。盛孝章君也。而權誅之。孫輔兄也。而權殺之。賊義殘仁。莫斯為甚。乃神靈之逋罪。下民所同讐。豈惟是之人。謂之凶賊。是故伊摯之夏

不為傷德飛廉死紂不可謂賢何者去就之道各有宜也丞相深惟江東舊德名臣多在載籍近魏叔英秀出高峙著名海內虞文繡砥礪清節耽學好古周泰明當世偽彥德行修明皆宜膺受多福保又子孫而周盛門戶無辜被戮遺類流離湮沒林莽言之可為愴然聞魏周榮虞仲翔各紹堂構能負折薪及吳諸顧陸舊族長者世有高位當報漢德顯祖揚名又諸將按孫權婚親皆我國家良寶利器而並見驅逐兩絕於天有斧無柯何以自濟相隨顛沒不亦哀乎蓋鳳鳴高岡以遠尉羅賢聖之德也鷓鴣之鳥巢於葦苕苕折于破下愚之惑也今江東之地無異葦苕苕諸賢處之信亦危矣聖朝開弘曠蕩重惜民命誅在一人與眾無忌故設非常之賞以待非常之功乃霸夫烈士奮命之良時也可不勉乎若能翻

進音

鷓鴣音寧鳩音決

字與筆同蘇貫切

蹠音煩

復反也

然大舉建立元勳以應顯祿福之上也如其未能竿量大小以存易亡亦其次也夫係蹄在足則猛虎絕其蹠蝮蛇在手則壯士斷其節何則以其所全者重以其所棄者輕若乃樂禍懷寧迷而忘復闇大雅之所保皆先賢之去就忽朝陽之安甘折苕之末日忘一日以至覆沒人兵一放玉石俱碎雖欲救之亦無及已故今往購募爵賞科條如左檄到詳思至言如詔律令

檄蜀文

鍾會

往者漢祚衰微率土分崩生民之命幾於泯滅我太祖武皇帝神武聖哲撥亂反正拯其將墜造我區夏高祖文皇帝應天順民受命踐祚烈祖明皇帝奕世重光恢拓洪業然江山之外異政殊俗率土齊民未蒙王化此二祖所以顧懷遺志

幾近也

哲智也撥除也

拓他各切

與恭同

也。今主上聖德欽明，紹隆前緒，宰輔忠肅，明允劬勞，王室布政垂惠，而萬邦協和，施德百蠻，而肅慎致貢，悼彼巴蜀，獨為匪民，愍此百姓，勞役未已，是以命授六師，冀行天罰，征西雍州鎮西諸軍五道並進，占之行軍，以仁為本，以義治之，王者之師，有征無戰，故虞舜舞干戚而服，有苗周武有散財發粟，表閭之義，入鎮西奉辭，銜命攝統戎車，庶弘文告之訓，以濟元元之命，非欲窮武極戰，以快一朝之志，故略陳安危之要，其敬聽話言，益州先上以命世英才，興兵新野，困躡黃徐之郊，制命紹布之手，太祖拯而濟之，興隆大好，中更背違，棄同即異，諸葛孔明仍規秦川，姜伯約屢出隴右，勞動我邊境，侵擾我氏羌，方國家多故，未遑修九伐之征也。今邊境又清，方內無事，蓄力待時，併兵一向，而巴蜀一州之眾，分張守備，難以禦天下之師，段谷侯和沮傷之氣，難以敵堂堂之陳，比年已來，曾無寧歲，征夫勦瘁，難以當子來之民，此皆諸賢所共親見，蜀侯見禽於秦，公孫述授首於漢，九州之險，是非一姓，此皆諸公所備聞也。明者見危於無形，智者規福於未萌，是以微子去商，長為周賓，陳平背項，立功於漢，豈寡女鳩毒懷祿而不變哉。今國朝隆天覆之恩，宰輔弘寬恕之德，先惠後誅，好生惡殺，往者吳將孫壹舉眾內附，為上司寵秩，殊異文欽，唐咨為國大害，叛主讐賊，還為戎首，咨困偏禽，獲欽二子還降，皆將軍封侯，咨豫聞國事，壹等窮蹙歸命，猶加上寵，况巴蜀賢智見幾而作者哉。誠能深鑒成敗，邈然高蹈，投跡微子之蹤，措身陳平之軌，則福同古人，慶流來裔，百姓士民安堵樂業，農不易畝，市不迴肆，去累卵之危，就永安之計，豈

音積也

音奉

音圖也

也。今主上聖德欽明，紹隆前緒，宰輔忠肅，明允劬勞，王室布政垂惠，而萬邦協和，施德百蠻，而肅慎致貢，悼彼巴蜀，獨為匪民，愍此百姓，勞役未已，是以命授六師，冀行天罰，征西雍州鎮西諸軍五道並進，占之行軍，以仁為本，以義治之，王者之師，有征無戰，故虞舜舞干戚而服，有苗周武有散財發粟，表閭之義，入鎮西奉辭，銜命攝統戎車，庶弘文告之訓，以濟元元之命，非欲窮武極戰，以快一朝之志，故略陳安危之要，其敬聽話言，益州先上以命世英才，興兵新野，困躡黃徐之郊，制命紹布之手，太祖拯而濟之，興隆大好，中更背違，棄同即異，諸葛孔明仍規秦川，姜伯約屢出隴右，勞動我邊境，侵擾我氏羌，方國家多故，未遑修九伐之征也。今邊境又清，方內無事，蓄力待時，併兵一向，而巴蜀一州之眾，分張守備，難以禦天下之師，段谷侯和沮傷之氣，難以敵堂堂之陳，比年已來，曾無寧歲，征夫勦瘁，難以當子來之民，此皆諸賢所共親見，蜀侯見禽於秦，公孫述授首於漢，九州之險，是非一姓，此皆諸公所備聞也。明者見危於無形，智者規福於未萌，是以微子去商，長為周賓，陳平背項，立功於漢，豈寡女鳩毒懷祿而不變哉。今國朝隆天覆之恩，宰輔弘寬恕之德，先惠後誅，好生惡殺，往者吳將孫壹舉眾內附，為上司寵秩，殊異文欽，唐咨為國大害，叛主讐賊，還為戎首，咨困偏禽，獲欽二子還降，皆將軍封侯，咨豫聞國事，壹等窮蹙歸命，猶加上寵，况巴蜀賢智見幾而作者哉。誠能深鑒成敗，邈然高蹈，投跡微子之蹤，措身陳平之軌，則福同古人，慶流來裔，百姓士民安堵樂業，農不易畝，市不迴肆，去累卵之危，就永安之計，豈

論託侯切

不美與若偷安且夕迷而不反大兵一放玉石俱碎雖欲悔之亦無及也各具宣布咸使知聞

難蜀父老

司馬相如

漢興七十有八載德茂存乎六世威武紛紜湛恩汪濊羣生

濡濡洋溢乎方外於是乃命使西征隨流而攘風之所被罔

不披靡因朝再從駢定筭存邛略斯榆舉苞蒲結軌還轅東

鄉將報至于蜀都耆老大夫縉紳先生之徒二十有七人儼

然造焉辭畢進口益聞天子之牧夷狄也其義羈縻勿絕而

已今罷二郡之士通夜郎之塗二年於茲而功不竟士卒勞

倦萬民不贍今又接之以西夷百姓力屈恐不能卒業此亦

使者之累也竊為左右患之且夫邛笮西夷之與中國並也

歷年茲多不可記已仁者不以德來強者不以力并意者其

始不可乎今割齊民以附夷狄敝所恃以事無用鄙人回陋

不識所謂使者曰焉謂此乎必若所云則是蜀不變服而巴

不化俗也僕常惡聞若說然斯事體大固非觀者之所觀也

余之行急其詳不可得聞已請為大夫臚陳其略蓋世必有

非常之人然後有非常之事然後有非常之功

夫非常者固常人之所異也故曰非常之原黎民懼焉及臻

厥成天下晏如也昔者洪水沸出汜濫衍溢民人升降移徙

崎嶇而不安夏后氏感之乃堙洪塞源決江疏河灑沈澹災

東歸之於海而天下永寧當斯之勤豈惟民哉心煩於慮而

身親其勞躬腠胝無版膚不生毛故休烈顯乎無窮聲稱浹

乎于茲且夫賢君之踐位也豈特委瑣齷齪拘文牽俗修誦

習傳當世取說云爾哉必將崇論閎議創業垂統為萬世規

範

也

也

也

也

也

也

也

也

也

也

也

也

也

也

也

也

也

也

也

也

新刊

新刊

卷之十

非

濇音沈注鳥黃反

濇鳥繪反又鳥外

反

濇蒙注反音聲

斯音曳

鄉音向

罷音皮

汜音汎

疏通也麗史紙反

濇徒監反

腠音奏胝竹反

版薄焉反浹及也

濇音渥濇測自切

殺音試同試

洋音陽益也通并

音才肖切責也

音昧爾音出腔音賦

故馳騫乎兼容并包而勤思乎參天貳地且詩不云乎普天之下莫非王土率土之濱莫非王臣是以六合之內八方之外浸淫行溢懷生之物有不浸潤於澤者賢君恥之今封疆之內冠帶之倫咸獲嘉祉靡有闕遺矣而夷狄殊俗之國遼絕異黨之域舟車不通人跡罕至政教未加流風猶微內之則犯義侵禮於邊境外之則邪行橫作放殺其上君臣易位尊卑失序父老不辜幼孤為奴虜係縲號泣內嚮而怨曰蓋聞中國有至仁焉德洋恩普物靡不得其所今獨曷為遺已舉踵思慕若枯旱之望雨戾犬為之垂涕况乎上聖又焉能已故北出師以討彊胡南馳使以誚勁越四面風德二方之君鱗集仰流願得受號者以億計故乃關冰若微并荆鏤靈山梁孫原創道德之塗垂仁義之統將博恩廣施遠撫長駕

音音曉又梅憤反又立勿

禪音支

應音鳥

音音聊應音郭反

敵昌兩切

對都內切答

使疏逝不閉智爽開昧得輝乎光明以偃甲兵於此而息討伐於彼遐邇一體中外禔福不亦康乎夫採民於沈溺奉至尊之休德反衰世之陵夷繼周氏之絕業天子之政務也百姓雖勞又惡可以已乎哉且夫王者固未有不始於憂勤而終於逸樂者也然則受命之符今在於此方將增太山之封加梁父之事鳴和鑾揚樂頌上減五下登三觀者未覩音聽者未聞音猶鷓鴣已翎乎寥廓之宇而羅者猶視乎藪澤悲夫於是諸大夫茫然喪其所懷來失厥所以進喟然並稱曰允哉漢德此鄙人之所願聞也百姓雖勞請以身先之敵罔靡徙遷延而辭退

對問類

對楚王問

宋玉

唯敬應之辭

楚襄王問於宋玉曰先生其有遺行與何士民衆庶不譽之甚也宋玉對曰唯然有之願大王寬其罪使得畢其辭客有歌於郢中者其始曰下里巴人國中屬而和者數千人其為陽阿薤露國中屬而和者數百人其為陽春白雪國中屬而和者數十人引商刻羽雜以流徵國中屬而和者不過數人而已是其曲彌高其和彌寡故鳥有鳳而魚有鯢鳳皇上擊九千里絕雲霓負蒼天翱翔乎杳冥之上夫藩籬之鷄豈能與之料天地之高哉鯢魚朝發岷嶺之墟暴鬣於碣石暮宿於孟諸夫尺澤之鯢豈能與之量江海之大哉故非獨鳥有鳳而魚有鯢也士亦有之夫聖人瑰意琦行超然獨處世俗之民又安知臣之所為哉

設難類

設式列以施陳也難乃且切詰辭也

魏古國及魏巨宜反

鬻巨夷反鬻音倪

鷄於諫切

答客難

東方朔

客難東方朔曰蘇秦張儀豈當萬乘之主而身都卿相之位澤及後世今子大夫修先王之術慕聖人之義諷誦詩書百家之言不可勝記著於竹帛脣腐齒落服膺而不可釋好學樂道之效明白甚矣自以為智能海內無雙則可謂博聞辯智矣然悉力盡忠以事聖帝曠日持久積數十年官不過侍郎位不過執戟意者尚有遺行邪同胞之徒無所容居其故何也東方先生喟然長息仰而應之曰是故非子之所能備彼一時也此一時也豈可同哉夫蘇秦張儀之時周室大壞諸侯不朝力政爭權相擒以兵并為十二國未有雌雄得士者疆失土者亡故說得行焉身處尊位珍寶充內外有廩倉澤及後世子孫長享今則不然聖帝流德天下震懼諸侯賓

胞浦色反

經貫職切舍也

當遇也都居也

國與村同音子

服威振四夷連四海之外以為帶安於覆蓋天下平均人為一家動發舉事猶運之堂賢與不肖何以異哉遵天之道順地之理物無不得其所故綏之則安動之則苦尊之則為將卑之則為虜抗之則在青雲之上抑之則在深淵之下用之則為虎不用則為鼠雖欲盡節效情安知前後夫天地之大士民之眾竭精馳說並進輻湊者不可勝數悉力慕之困於衣食或失門戶使蘇秦張儀與僕並生於今之世置不得掌故安敢望侍郎乎傳曰天下無害蓄雖有聖人無所施才上下和同雖有賢者無所立功故曰時異事異雖然安可以不務修身乎哉詩曰鼓鐘于宮聲聞于外鶴鳴九臯聲聞于天苟能修身何患不榮太公體行仁義七十有二乃設用於文武得信厥說封於齊七百歲而不絕此士所以日夜孳孳修

說音稅孳音茲

惡鳥反

道行也

愆失也

註王士反續音塘

索所格反

音肌 鄺音歷食音真俱

學敏行而不敢怠也譬若鶴鳴飛且鳴矣傳曰天不為人之惡寒而輟其冬地不為人之惡險而輟其廣君子不為小人之匈匈而易其行天有常度地有常形君子有常行君子道其常小人計其功詩曰禮義之不愆何恤人之言水至清則無魚人至察則無徒冕而前旒所以蔽明註續充耳所以塞聰明有所不見聰有所不聞舉大德赦小過無求備於一人之義也枉而直之使自得之優而柔之使自求之揆而度之使自索之蓋聖人之教化如此欲其自得之自得之則敏且廣矣今世之處士時雖不用塊然無徒廓然獨居上觀許由下察接輿計同范蠡忠合子胥天下和平與義相扶寡偶少徒固其宜也子何疑於予哉若夫燕之用樂毅秦之任李斯漢用酈食其之下齊說行如流曲從如環所欲必得功若立

新刊

山海內定。國家安。是遇其時者也。予又何怪之邪。語曰：以管

窺天，以蠶測海，以筵撞鐘，豈能通其條貫，考其文理，發其音

聲哉。猶是觀之，譬由鼯鼯之襲狗，狐豚之咋虎，至則靡耳，何

功之有。今以下愚而非處士，雖欲勿困，固不得已。此適足以

明其不知權變，而終於於大道也。

解嘲并序

揚雄

哀帝時，丁傅董賢用事，諸附離之者，起家至二千石。時雄方

草創太玄，有以自守，泊如也。人有嘲雄以玄之尚白，而雄解

之號曰解嘲，其辭曰：

客嘲揚子曰：吾聞上世之士，人綱人紀，不生則已，生必上尊

人君，下榮父母，析人之珪，儋人之爵，懷人之符，分人之祿，紆

青拖紫，朱丹其轂。今吾子幸得遭明盛之世，處不諱之朝，與

羣賢同行，歷金門，上玉堂，有日矣。曾不能畫一奇出一策，上

說人主，下談公卿，日如耀星，舌如電光。一從一橫，論者莫當

顧默而作太玄五千文，枝葉扶疎，獨說數十餘萬言。深者入

黃泉，高者出蒼天。大者含元氣，細者入無間。然而位不過侍

郎，擢纔給事黃門，意者玄得無尚白乎。何為官之拓落也。揚

子笑而應之曰：客徒欲朱丹吾轂，不知一跌將赤吾之族也。

往者周網解結，羣鹿爭逸，離為十二，合為六七，四分五剖，並

為戰國，士無常君，國無定臣，得士者富，失士者貧，矯翼厲翮，

恣意所存，故士或自盛以橐，或鑿坏以遁。是故鄒衍以頡頏

而取世資，孟軻雖連蹇，猶為萬乘師。今大漢左東海，右滌搜

前番禺，後陶塗，東南一尉，西北一候，徽以糾墨，製以鑿鉄，散

以禮樂，風以詩書，曠以歲月，結以倚廬，是以天下之士雷動

音羅選音姓

音濁江反猶雷通

音精胸音劬唯

音白反切齒也

音皮反與麻古字

通爛也

嘲陟交切戲弄之

言也

折先歷反儋都甘

反

拖徒可切荷也

從子恭反

跌覲結反

逸走也

蒙音託反音回反

頡賢挈反頡音良

反連去聲

音音潘馬音愚

鑿音質鉄方無反

也 縱音史與纏同冠

雲合魚鱗維襲咸營丁八區家家自以為稷契人人自以為
皐陶戴縱垂纓而談者皆擬於阿衡五尺童子羞比晏嬰與
夷吾當塗者升青雲失路者委溝渠且握權則為卿相又失
勢則為匹夫譬若江湖之崖渤澥之島乘鴈集不為之多雙
鳧飛不為之少昔三仁去而殷墟一老歸而周熾子香死而
吳亡種蠡存而越霸五殺入而秦喜樂毅出而燕懼范雎以
折摺而危穰侯蔡澤以噤吟而笑唐舉故當其有事也非蕭
曹子房平勃樊噲則不能安當其無事也章句之徒相與坐
而守之亦無所患故世亂則聖哲馳騫而不足世治則庸夫
高枕而有餘夫上世之上或解縛而相或釋褐而傅或倚夷
門而笑或橫江潭而漁或七十說而不遇或立談而封侯或
枉千乘於陋巷或擁篲而先驅是以士頗得信其舌而奮其

案音禮段音古折支列反摺力答反與拉同摺欺累反吟疑甚反

室竹栗反陳過也

行胡庚反

攬九縛反罕女加反

蟬鳥典反蟬徒典反附音附

筆室隙蹈取而無所詘也當今縣令不請士郡守不迎師羣
卿不揖客將相不俛眉言奇者見疑行殊者得辟是以欲談
者卷舌而同聲欲步者擬足而投跡嚮使上世之士處乎今
世策非甲科行非孝廉舉非方正獨可抗疏時道是非高得
待詔下觸聞罷又安得青紫且吾聞之炎炎者滅隆隆者絕
觀雷觀火為盈為實天收其聲地藏其熱高明之家鬼瞰其
室攫拏者亡默默者存位極者高危自守者身全是故知玄
知默守道之極爰清爰靜游神之庭惟寂惟漠守德之宅世
異事變人道不殊彼我易時未知何如今子乃以鷓鴣而笑
鳳皇執蠖螟而嘲龜龍不亦病乎子之笑我玄之尚白吾亦
笑子病甚不遇俞跗與扁鵲也悲夫客曰然則靡玄無所成
名乎范蔡以下何必玄哉揚子曰范雎魏之亡命也折脇拉

豁口亞及翕音吸起也合也悚也

音紙

頤綺險反折支列反頤於遼反宋呼

憤反極烏華切咽

一十反駘胡華反

輓亡遠反

抱音夫

摩音縻

詩布內反

抵音墜又丁禮切

隕音墜

豁免於微索。翕肩踏背扶服入豪。激印萬乘之主。介涇陽抵穰侯而代之。當也。蔡澤山東之匹夫也。頤頤折頰。涕唾流沫。西揖彊秦之相。搯其咽而亢其氣。拊其背而奪其位。時也。天下已定。金華已平。都於洛陽。婁敬委輅。脫輓掉。三寸之舌。建不拔之策。舉中國徙之長安。適也。五帝垂典。三王傳禮。百世不易。叔孫通起於枹鼓之間。解甲投戈。遂作君臣之儀。得也。呂刑靡敝。秦法酷烈。聖漢權制。而蕭何造律。宜也。故有造蕭何律於唐虞之世。則詩矣。有作叔孫通儀於夏殷之時。則惑矣。有建婁敬之策於成周之世。則乖矣。有談范蔡之說於金張許史之間。則狂矣。夫蕭規曹隨。雷侯畫策。陳平出奇。功若泰山。嚮若坻隕。雖其人之瞻智。亦會其時之可為也。故為可為於可為之時。則從為。不可為於不可為之時。則凶。若夫

蘭生收功於章臺。四皓采榮於南山。公孫創業於金馬。驃騎發迹於祁連。司馬長卿竊貴於卓氏。東方朔割炙於細君。僕誠不能與此數子並。故默然獨守吾太玄。

答賓戲 并序

班固

永平中為郎。典校祕書。專篤志於儒學。以著述為業。或譏以無功。又感東方朔楊雄。自喻以不遭。蘇張范蔡之時。曾不折之以正道。明君子之所守。故聊復應焉。其辭曰。

賓戲主人曰。蓋聞聖人有一定之論。烈士有不易之分。亦云名而已矣。故太上有立德。其次有立功。夫德不得後身。而特盛功不得背時。而獨彰。是以聖哲之治。棲棲遑遑。孔席不暇。墨突不黔。由此言之。取舍者。昔人之上務。著作者。前烈之餘事耳。今吾子幸游帝王之世。躬帶綬冕之服。浮英華。湛道德。

暎乃管反駘巨炎反

湛古沈字

反 音 莫版反 透鳥臥

音 都計反

音 古 緝 古鄧反 竟也 賈

音 古 緝 初施反 殿 見

反 音 古 適 音 由

音 由

音 二 甲切 又烏叫

切

音 務 越 乎交反

音 庖 必 遙反

音 爲 輒反 煙 音 育

音 女 握反

龍虎之文舊矣卒不能據首尾奮翼鱗振拔滄塗騰騰風

雲使見之者影駭聞之者嚮震徒樂枕經籍書紆體衡門上

無所帶下無所根獨據意乎宇宙之外銳思於毫芒之內潛

神默記緝以年歲然而器不賈於富已用不効於一世雖馳

辯如濤波摘藻如春華猶無益於殿最也意者且運朝夕之

策定合會之計使存有顯號亡有美謚不亦優乎主人適爾

而笑曰若賓之言所謂見世利之華聞道德之實守空輿之

熒燭木仰天庭而覩白日也曩者王塗無穢周失其馭侯伯

方軌戰國橫騫於是七雄虓鬪分裂諸夏龍戰虎爭游說之

徒風颭雷激並起而救之其餘焱飛景附雲煙其間者蓋不

可勝載當此之時擗朽磨鈍鈇刀皆能一斷是故魯連飛一

矢而蹶千金虞卿以顧盼而捐相印夫嗽發投曲感耳之聲

合之律度淫埤而不可聽者非韶夏之樂也因勢合變偶時

之會風移俗易乖迂而不可通者非君子之法也及至從人

合之衡人散之亡命漂說羈旅騁辭商鞅挾二術以鑽孝公

李斯奮時務而要始皇彼皆躡風塵之會履顛沛之勢據微

乘邪以求一日之富貴朝為榮華夕為顛預福不盈昔禍溢

於世凶人且以自悔况吉士而是賴乎且功不可以虛成名

不可以偽立韓設辯以激君呂行詐以賈國說難既適其身

乃囚秦貨既貴厥宗亦墜是以仲尼抗浮雲之志孟軻養浩

然之氣彼豈樂為迂濶哉道不可以貳也方今大漢灑掃羣

穢夷險芟荒廓帝紘恢皇綱基隆於義農規廣於黃唐其君

天下也炎之如日威之如神雨之如海養之如春是以六合

之內莫不同源共流沐浴玄德稟仰太和枝附葉著譬猶草

音 橫

音 古 亮切

音 齊 細反

音 古 適 好也 終

音 羽 夫反 麗 所 蟹

音 舍

新刊

逕音毛數都回反
又音頓九音軌監
音機

木之植山林鳥魚之毓川澤得氣者蕃滋失時者零落參天
地而施化豈云人事之厚薄哉今吾子處皇代而論戰國曜
所聞而疑所覲欲從整敦而度高乎泰山懷沈濫而測深乎
重淵亦未至也賓曰若夫鞅斯之倫哀周之凶人既聞命矣
敢問上古之士處身行道輔世成名可述於後者默而已乎
主人曰何為其然也昔者咎繇謨虞箕子訪周言通帝王謀
合神聖殷說夢發於傅巖周望兆動於渭濱齊寧激聲於康
衢漢良受書於邳垠皆俟命而神交匪詞言之所信故能建
必然之策展無窮之勲也近者陸子優游新語以興董生下
帷發藻儒林劉向司籍辯章舊聞楊雄譚思法言太玄皆及
時君之門闡究先聖之壺奧婆娑乎術藝之場休息乎篇籍
之囿以全其質而發其文用納乎聖德烈炳乎後人斯非亞

壹音本反

邳備音反垠音銀

腴音俱反

眦示履反視也

汗音烏蝶息列反

躩音據又音戟又
京逆反蟠音盤

般音班

鍼之林反

垠音銀走圭入自
稱也廁問也

歟若乃伯夷抗行於首陽柳惠降志而辱仕顏淵樂於簞瓢
孔終篇於西狩聲盈塞於天淵真吾徒之師表也且吾聞之
一陰一陽天地之方乃文乃質上道之綱有同有異聖哲之
常故曰慎修所志守爾天符委命供已味道之腴神之聽之
名其舍諸賓又不聞和氏之璧韞於荆石隨侯之珠藏於蚌
蛤乎歷世莫眦不知其將含景曜吐英精曠千載而流光也
應龍潛於潢汗魚鼈媮之不覩其能奮靈德合風雲超忽荒
而躩吳蒼也故夫泥蟠而天飛者應龍之神也先賤而後貴
者和隨之珍也時暗而久章者君子之真也若乃牙曠清耳
於管絃離婁眇目於毫分逢蒙絕技於弧矢般輪推巧於斧
斤良樂軼能於相馭鳥獲抗力於千鈞和鵲發精於鍼石研
桑心計於無垠走亦不任廁技於彼列故密爾自娛於斯文

辭類
卷之十

辭音詞辭者兼詩
騷之聲而尤簡遠
焉

辭類

秋風辭 并序

漢武帝

上行幸河東祠后土顧視帝京欣然中流與羣臣飲燕上歡
甚乃自作秋風辭曰

秋風起兮白雲飛草木黃落兮鴈南歸蘭有秀兮菊有芳携
佳人兮不能忘泛樓船兮濟汾河橫中流兮揚素波簫鼓鳴
兮發棹歌歡樂極兮哀情多少壯幾時兮奈老何

歸去來辭

陶潛

歸去來兮田園將蕪胡不歸既自以心為形役矣惆悵而獨
悲悟已往之不諫知來者之可追寔迷塗其未遠覺今是而
昨非舟遙遙以輕颺風飄飄而吹衣問征夫以前路恨晨光
之熹微乃瞻衡宇載欣載奔僮僕歡迎稚子候門三徑就荒

寔不職切音寔是
也又與實通

許眉反

微五到反

松菊猶存携幼入室有酒盈樽引壺觴以自酌盼庭柯以怡
顏倚南窗以寄傲審容膝之易安園日涉以成趣門雖設而
常關策扶老以流憩時矯首而遐觀雲無心以出岫鳥倦飛
而知還景翳翳以將入撫孤松而盤桓歸去來兮請息交以
絕游世與我而相遺復駕言兮焉求悅親戚之情話樂琴書
以消憂農人告余以春及將有事乎西疇或命巾車或掉孤
舟既窈窕以尋壑亦崎嶇而經丘木欣欣以向榮泉涓涓而
始流善萬物之得時感吾生之行休已矣乎寓形宇內復幾
時曷不委心任去留胡為遑遑欲何之富貴非吾願帝鄉不
可期懷良辰以孤往或植杖而耘耔登東臯以舒嘯臨清流
而賦詩聊乘化以歸盡樂夫天命復奚疑

欣欣變也又春色
貌

懷安也
音云軒
音茲

序徐呂切音緒通
作敘言其善敘事

序類

理次第有序若絲之維也

毛詩序

上商

近猶遇也經云

編音決

關雎后妃之德也。風之始也。所以風化天下而正夫婦也。故用之鄉人焉。用之邦國焉。風風也。教也。風以動之。教以化之。詩者志之所之也。在心為志。發言為詩。情動於中而形於言。言之不足。故嗟歎之。嗟歎之不足。故永歌之。永歌之不足。不知手之舞之。足之蹈之也。情發於聲。聲成文。謂之音。治世之音安以樂。其政和。亂世之音怨以怒。其政乖。亡國之音哀以思。其民困。故正得失。動天地。感鬼神。莫近於詩。先王以是經夫婦。成孝敬。厚人倫。美教化。移風俗。故詩有六義焉。一曰風。二曰賦。三曰比。四曰興。五曰雅。六曰頌。上以風化。下下以風刺。上主文而譎諫。言之者無罪。聞之者足以自戒。故曰風至于王道衰。禮義廢。政教失。國異政。家殊俗。而變風變雅作矣。國史明乎得失之跡。傷人倫之廢。哀刑政之苛。吟詠情性。以風其上。達於事變而懷其舊俗者也。故變風發乎情。止乎禮義。發乎情。民之性也。止乎禮義。先王之澤也。是以一國之事繫一人之本。謂之風。言天下之事。形四方之風。謂之雅。雅者正也。言王政之所由廢興也。政有小人。故有小雅焉。有大雅焉。頌者。美盛德之形容。以其成功。告於神明者也。是謂四始。詩之至也。然則關雎麟趾之化。王者之風。繫之周公。南言化自北而南也。鵲巢騶虞之德。諸侯之風也。先王之所以教。故繫之召公。周南召南。正始之道。王化之基。是以關雎樂得淑女以配君子。憂在進賢。不淫其色。哀窈窕。思賢才。而無傷善之心焉。是關雎之義也。

尚書序

孔安國

形見也

倫次也發致也

古者伏羲氏之王天下也始畫八卦造書契以代結繩之政
 由是文籍生焉伏羲神農黃帝之書謂之三墳言人道也少
 昊顓頊高辛唐虞之書謂之五典言常道也至于夏商周之
 書雖設教不倫雅誥與義其歸一揆是故歷代寶之以為大
 訓八卦之說謂之八索求其義也九州之志謂之九丘丘聚
 也言九州所有土地所生風氣所宜皆聚此書也春秋左氏
 傳曰楚左史倚相能讀三墳五典八索九丘即謂上世帝王
 遺書也先君孔子生於周末觀史籍之煩文懼覽之者不
 遂乃定禮樂明舊章刪詩為三百篇約史記而脩春秋讚易
 道以黜八索述職方以除九丘討論墳典斷且唐虞以下訖
 于周及夷煩亂翦截浮辭舉其宏綱撮其機要足以垂世立
 教典謨訓誥誓命之文凡百篇所以恢弘至道示人主以軌

討尋也
說至也

闡開也
猷道也

範也帝王之制坦然明白可舉而行三千之徒並受其義及
 秦始皇滅先代典籍焚書坑儒天下學士逃難解散我先人
 用藏其家書于屋壁漢室龍興開設學校旁求儒雅以闡大
 猷濟南伏生年過九十失其本經口以傳授裁一千餘篇以
 其上古之書謂之尚書百篇之義世莫得聞至魯共王好治
 宮室壞孔子舊宅以廣其居於壁中得先人所藏古文虞夏
 商周之書及傳論語孝經皆科斗文字王又升孔子堂聞金
 石絲竹之音乃不壞它悉以書還孔氏科斗書廢已久時人
 無能知者以所聞伏生之書考論文義定其可知者為隸古
 定更以竹簡寫之增多伏生二十五篇伏生又以舜典合於
 堯典益稷合於臯陶謨盤庚二篇合為一康王之誥合於顧
 命復出此篇并序凡五十九篇為四十六卷其餘錯亂摩滅

詩經 卷之四

覃深也撫之石切

弗可復知悉上送官藏之書府以待能者承認為五十九篇
作傳於是遂研精覃思博考經籍采摭羣言以立訓傳約文
申義敷暢厥旨庶幾有補於將來書序序所以為作者之意
昭然義見宜相附近故引之各冠其篇首定五十八篇既畢
會國有巫蠱事經籍道息用不復以聞傳之子孫以貽後世
若好古博雅君子與我同志亦所不隱也

貽遺也

春秋左氏傳序

杜預

春秋者魯史記之名也記事者以事繫日以日繫月以月繫
時以時繫年所以紀遠近別同異也故史之所記必表年以
首事年有四時故錯舉以為所記之名也周禮有史官掌邦
國四方之事達四方之志諸侯亦各有國史大事書之於策
小事簡牘而已孟子曰楚謂之檮杌晉謂之乘而魯謂之春

志記也 刊削也

秋其實一也韓宣子適魯見易象與魯春秋曰周禮盡在魯
矣吾乃今知周公之德與周之所以王韓子所見蓋周之舊
典禮經也周德既衰官失其守上之人不能使春秋昭明赴
告策書諸所記注多違舊章仲尼因魯史策書成文考其真
偽而志其典禮上以遵周公之遺制下以明將來之法其教
之所存文之所害則刊而正之以示勸戒其餘則皆即用舊
史史有文質辭有詳略不必改也故傳曰其善志又曰非聖
人孰能修之蓋周公之志仲尼從而明之左丘明受經於仲
尼以為經者不刊之書也故傳或先經以始事或後經以終
義或依經以辯理或錯經以合異隨義而發其例之所重舊
史遺文略不盡舉非聖人所修之要故也身為國史躬覽載
籍必廣記而備言之其文緩其旨遠將令學者原始要終尋

新刊文獻 卷之四

其枝葉究其所窮優而柔之使自求之饜而飲之使自趨之若江海之浸膏澤之潤渙然水釋怡然理順然後為得也其發凡以言例皆經國之常制周公之垂法史書之舊章仲尼從而修之以成一經之通體其微顯闡幽裁成義類者皆據舊例而發義指行事以正褒貶諸稱書不書先書故書不言不稱書曰之類皆所以起新舊發大義謂之變例然亦有史所不書即以為義者此蓋春秋新意故傳不言凡曲而暢之也其經無義例因行事而言則傳直言其歸趣而已非例也故發傳之體有三而為例之情有五曰微而顯文見於此而義起於彼稱族尊君命舍族尊夫人梁亡城緣陵之類是也二曰志而晦約言示制推以知例參會不地與謀曰及之類是也三曰婉而成章曲從義訓以示大順諸所諱辟璧假

楹屋柱也音盈

摘椽也音角

亡失也

錯雜也

許田之類是也四曰盡而不汙直書其事具文見意丹楹刻桷天王求車齊侯獻捷之類是也五曰懲惡而勸善求名而亡欲蓋而章書齊豹盜三叛人名之類是也推此五體以尋經傳觸類而長之附于二百四十一章行事王道之正人倫之紀備矣或曰春秋以錯文見義若此所論則經當有事同文異而無其義也先儒所傳皆不甘然答曰春秋雖以一字為褒貶然皆須數句以成言非如八卦之爻可錯綜為六十四也固當依傳以為斷古今言左氏春秋者多矣今其遺文可見者十數家大體轉相祖述進不成為錯綜經文以盡其變退不守丘明之傳於丘明之傳有所不通皆沒而不說而更膚引公羊穀梁適足自亂預今所以為異專修丘明之傳以釋經經之條貫必出於傳傳之義例總歸諸凡推變例以

正褒貶簡一傳而去異端蓋丘明之志也其有疑錯則備論而闕之以俟後賢然劉子駿創通大義賈景伯父子許惠卿皆先儒之美者也未有穎子嚴者雖淺近亦復名家故特舉劉賈許穎之違以見同異分經之年與傳之年相附比其義類各隨而解之名曰經傳集解又別集諸例及地名譜第歷數相與為部凡四十部十五卷皆顯其異同從而釋之名曰釋例將今學者觀其所聚異同之說釋例詳之也或曰春秋之作左傳及穀梁無明文說者以為仲尼自衛反魯脩春秋立素王丘明為素臣言公羊者亦云黜周而王魯危行言孫以避當時之害故微其文隱其義公羊經止獲麟而左氏經終孔子卒敢問所安答曰異乎余所聞仲尼曰文王既沒文不在茲乎此制作之本意也歎曰鳳鳥不至河不出圖吾已矣夫蓋傷時王之政也麟鳳五靈王者之嘉瑞也今麟出非其時虛其應而失其歸此聖人所以為感也絕筆於獲麟之句者所感而起固所以為終也曰然則春秋何始於魯隱公答曰周平王東周之始王也隱公讓國之賢君也考乎其時則相接言乎其位則列國本乎其始則周公之祚胤也若平王能祈天永命紹開中興隱公能弘宣祖業光啓王室則西周之美可尋文武之迹不墜是故因其歷數附其行事采周之舊以會成王義垂法將來所書之王即平王也所用之歷即周正也所稱之公即魯隱也安在其黜周而王魯乎子曰如有用我者吾其為東周乎此其義也若夫制作之文所以章往考來情見乎辭言高則旨遠辭約則義微此理之常非隱之也聖人包周身之防既作之後方復隱諱以避患非

(安)於寒切止也寧也定也又何也

(會)合也

音訓
新刊文選

邾知途反

所聞也。子路欲使門人為臣，孔子以為欺天，而云仲尼素王。丘明素臣，又非通論也。先儒以為制作三年，文成致麟，既已妖妄，又引經以至仲尼卒，亦又近誣。據公羊經止獲麟而左氏小邾射亦不在三叛之數，故余以為感麟而作，作起獲麟則文止於所起，為得其實。至於反袂拭面，稱吾道窮，亦無取焉。

三都賦序

皇甫謐

玄晏先生曰：古人稱不歌而頌，謂之賦。然則賦也者，所以因物造端，敷弘體理，欲人不能加也。引而伸之，故文必極美，觸類而長之，故辭必盡麗。然則美麗之文，賦之作也。昔之為文者，非苟尚辭而已，將以紘之王教，本乎勸戒也。自夏殷以前，其文隱沒，靡得而詳焉。周監二代，文質之體，百世可知。故孔子采萬國之風，正雅頌之名，集而謂之詩。詩人之作，雜有賦體。子夏序詩曰：一曰風，二曰賦。故知賦者，古詩之流也。至于戰國，王道陵遲，風雅寢頓，於是賢人失志，詞賦作焉。是以孫卿、屈原之屬，遺文炳然，辭義可觀，存其所感，咸有古詩之意。皆因文以寄其心，託理以全其制，賦之首也。及宋玉之徒，淫文放發，言過于實，誇競之興，體失之漸。風雅之則，於是乎乖逮。漢賈誼頗節之以禮，自時厥後，綴文之士，不率典言，並務恢張其文，博誕空類，大者罩天地之表，細者入毫纖之內。雖克車聯駟，不足以載廣廈；接榘不容以居也。其中高者至如相如上林、楊雄甘泉、班固兩都、張衡二京、馬融廣成、王生靈光、初極宏侈之辭，終以約簡之制，煥乎有文蔚爾。鱗集皆近代辭賦之偉也。若夫土有常產，俗有舊風，方以類聚物以羣

紘，女九切，糸也。

監，視也，又兼也。

邾，所追切，又初危切，椽也。

子采萬國之風，正雅頌之名，集而謂之詩。詩人之作，雜有賦體。子夏序詩曰：一曰風，二曰賦。故知賦者，古詩之流也。至于戰國，王道陵遲，風雅寢頓，於是賢人失志，詞賦作焉。是以孫卿、屈原之屬，遺文炳然，辭義可觀，存其所感，咸有古詩之意。皆因文以寄其心，託理以全其制，賦之首也。及宋玉之徒，淫文放發，言過于實，誇競之興，體失之漸。風雅之則，於是乎乖逮。漢賈誼頗節之以禮，自時厥後，綴文之士，不率典言，並務恢張其文，博誕空類，大者罩天地之表，細者入毫纖之內。雖克車聯駟，不足以載廣廈；接榘不容以居也。其中高者至如相如上林、楊雄甘泉、班固兩都、張衡二京、馬融廣成、王生靈光、初極宏侈之辭，終以約簡之制，煥乎有文蔚爾。鱗集皆近代辭賦之偉也。若夫土有常產，俗有舊風，方以類聚物以羣

地平彼反函音含

分而長卿之儔。過以非方之物。寄以中域。虛張異類。託有於無。祖構之士。雷同影附。流宕忘戶。非一時也。曩者漢室內潰。四海圯裂。孫劉二氏。割有交益。魏武撥亂。擁據函夏。故作者先為吳蜀。客盛稱其本土。險阻環琦。可以偏土。而却為魏主。述其都畿。弘敞豐麗。奄有諸華之意。言吳蜀以擒滅比亡國。而魏氏以交禪比唐虞。既已著逆順。且以為鑒戒。蓋蜀包梁岷之資。吳割荆南之富。魏跨中區之行。考分次之多少。計殖物之衆寡。比風俗之清濁。課士人之優劣。亦不可同年而語矣。一國之士。各沐浴所聞。家自以為我土。樂人自以為我民。良皆非通方之論也。作者又因客主之辭。正之以魏都。折之以王道。其物土所出。可得披國。而校體國經制。可得按記而驗。豈誣也哉。

思歸引序

石崇

幾渠依反

咽伊練反

歛許勿反

余少有大志。夸邁流俗。弱冠登朝。歷位二十五年。五十以事去官。晚節更樂放逸。篤好林藪。遂肥遯於河陽。別業其制宅也。卻阻長隄。前臨清渠。栢木幾於萬株。流水周於舍下。有觀閣池沼。多養鳥魚。家素習技。頗有秦趙之聲。出則以游目。弋釣為事。入則有琴書之娛。又好服食。咽氣志在不朽。傲然有凌雲之操。歛復見牽羈。婆娑於九列。困於人間。煩黷常思歸。而永歎。尋覽樂篇。有思歸引。儻古人之情。有同於今。故制此曲。此曲有絃無歌。今為作歌辭。以述余懷。恨時無知音者。令造新聲。而播於絲竹也。

豪士賦序

陸機

夫立德之基。有常而建功之路。不一何則。循心以為量者。存

微取也

乎我因物以成務者繫乎彼存夫我者隆殺止乎其域繫乎物者豐約唯所遭遇落葉俟微風以隕而風之力蓋寡蓋嘗遭雍門而泣琴之感以末何者欲隕之葉無所假烈風將墜之泣不足繁哀響也是故苟時啓於天理盡於民庸夫可以濟聖賢之功斗筲可以定烈士之業言遇時也故曰才不半古而功已倍之蓋得之於時勢也歷觀古今微一時之功而居伊周之位者有矣夫我之自我智士猶嬰其累物之相物昆蟲皆有此情夫以自我之量而挾非常之勲神器暉其顧盼萬物隨其俯仰心玩居常之安耳飽從諛之說豈識乎功在身外任出才表者哉且好榮惡辱有生之所大期忌盈害上鬼神猶且不免人主操其常柄天下服其大節故曰天可讐乎而時有袷服荷戟立乎廟門之下援旗誓衆奮於阡陌

勲功也

援于元反

鞅於亮切

之上况乎代主制命自下裁物者哉廣樹恩不足以敵怨勤興利不足以補害故曰代大匠斲者必傷其手且夫政由甯氏忠臣所為慷慨祭則寡人人主所不久堪是以君奭鞅鞅不悅公且之舉高平師側目博陸之勢而成王不遣嫌吝於懷宣帝若負芒刺於背非其然者與嗟乎光于四表德莫富焉王曰叔父親莫昵焉登帝天位功莫厚焉守節沒齒忠莫至焉而傾側顛沛僅而自全則伊生抱明允以嬰戮文子懷忠敬而齒劔固其所也因斯以言夫以篤聖穆親如彼之懿大德至忠如此之盛尚不能取信於人主之懷止詢於衆多之口過此以往惡覩其可安危之理斷可識矣又况乎饗大名以冒道家之忌運短才而易聖哲所難者哉身危出於勢過而不知去勢以求安禍積起於寵盛而不知辭寵以招

嫌疑也吝恨也

惡音烏鑿王高反

易輕也

中整也雷積也

賈音古買也

陔直氏及壞也
賧直孕及

仆音赴醋猶去也

借使也

勁美也

福見百姓之謀已則申宮警守以崇不畜之威懼萬民之不
服則嚴刑峻制以賈傷心之怨然後威窮乎震主而怨行乎
上下衆心日侈危機將發而方偃仰賧眄謂足以夸世笑古
人之未工忘已事之已拙知曩勳之可矜暗成敗之有會是
以事窮運盡必於顛仆風起塵合而禍至常酷也聖人忌功
名之過已惡寵祿之踰量蓋爲此也夫惡欲之大端賢愚所
共有而游子狗高位於生前志士思垂名於身後受生之分
唯此而已夫蓋世之業名莫大焉震主之勢位莫盛焉率意
無違欲莫順焉借使伊人頗覽天道知盡不可益盈難久持
超然自引高揖而退則巍巍之盛仰邈前賢洋洋之風俯冠
來籍而大欲不之於身至樂無愆乎舊節彌效而德彌廣身
愈逸而名愈劬此之不爲彼之必昧然後河海之跡堙爲窮
流一簣之累積成山萬名編凶頑之條身厭余毒之痛豈不
謬哉故聊賦焉庶使百世少有寤云

三月三日曲水詩序

顏延之

夫方策既載皇王之迹已殊鐘石畢陳舞詠之情不一雖淵
流遂往詳略異聞然其宅天衷立民極莫不崇尚其道神明
其位拓世貽統固萬葉而爲量者也有宋函夏帝圖弘遠高
祖以聖武定鼎規同造物皇上以獻文承曆景屬宸居隆周
之下既永宗漢之兆在焉正體毓德於少陽王宰宜哲於元
輔晷緯昭應山瀆效靈五方雜遝四隩來暨選賢建職則擇
之茂典施命發號必酌之於故實大予協樂上庠肄教章程
明密品式周備國容賤令而動軍政象物而具箴闕記言校
文講藝之官采遺於內輜車朱軒懷荒振遠之使論德于外

選徒台及隲於六
反暨至也
故實先王之道也
肆行也
賤視也

拓土洛及廣也又
斥開也函夏中國
也

新刊

新刊

新刊

義昌銳切轉入日反

踵直連反

惠順也

墮都鄧反

峻古毀反攢在官反

微音叶桓音護

緹徒兮反

肴魚肉也蘇音速菜蔬也釋音亦

覲音靜殷音隱

賑音軫

禊氏移反

財音亦又音夜宿鳥鳥反

蘋莖素毳并柯共穗之瑞史不絕書棧山航海踰沙軼漠之
貢府無虛月烈燧千城通驛萬里穹居之君內首稟湖卉服
之首廻面受吏是以異人慕響俊民間出警蹕清夷表裏悅
穆將徙縣中宇張樂岱郊增類帝之宮飾禮神之館塗歌邑
誦以望屬車之塵者久矣日躔胃維月軌青陸皇祇發生之
始后王布和之辰思對上靈之心以惠庶萌之願加以二王
于邁出餞戒告有詔掌故爰命司歷獻洛飲之禮具上巳之
儀南除輦道北清禁林左關巖墜右梁湖源略亭臯跨芝塵
苑太液懷曾山松石峻崦蔥翠陰烟游泳之所攢萃翔驟之
所往還於是離宮設衛別殿周微旌門洞立延帷接栢閣水
環階引池分席春官聯事蒼靈奉塗然後升秘駕胤緹騎搖
玉鑿發流吹天動神移淵旋雲被以降于行所禮也既而帝

暉臨幄百司定列鳳蓋俄軫虹旗委旃有款芬藉觴醴泛浮
妍歌妙舞之容銜組樹羽之器三奏四上之調六莖九成之
曲競氣繁聲合變爭節龍文飾轡青翰侍御華裔殷至觀聽
鴛集揚袂風山舉袖陰澤靚裝藻野袷服縟川故以殷賑外
區煥行都內者矣上膺萬壽下禋百福市筵稟和闔堂依德
情盤景遽歡洽日斜金駕總駟聖儀載佇悵鈞臺之未臨慨
鄴宮之不縣方且排鳳闕以高游開爵園而廣宴並命在位
展詩發志則夫誦美有章陳信無愧者歟

三月三日曲水詩序

王融

臣聞出豫為象鈞天之樂張焉時乘既位御氣之駕翔焉是
以得一奉宸逍遙襄城之域體元則大悵望姑射之阿然睿
眇寂寥其獨適者已至如夏后兩龍載驅墉臺之上穆滿八

度時洛反

桐古螢反

鍾聚也

邁過也

景昭也光也

駿始舞瑤水之陰亦有饗云固不與萬民共也我大齊之握
 機創歷誕命建家接禮貳宮考庸太室幽明獻期雷風通饗
 昭華之珍既徙延喜之玉攸歸革宋受天保生萬國度邑靜
 鹿丘之歎遷鼎息大垠之慙紹清和於帝猷聯顯懿於王表
 駿發開其遠祥定爾固其洪業皇帝體膺上聖運鍾下武冠
 五行之秀氣邁三代之英風昭章雲漢暉麗日月牢籠天地
 彈壓山川設神理以景俗敷文化以柔遠澤普汜而無私法
 含弘而不殺猶且具明廢寢具晷忘餐念負重於春冰懷御
 奔於秋駕可謂巍巍弗與蕩蕩誰名秉靈圖而非泰涉孟門
 其何險儲后睿哲在躬妙善居質內積和順外發英華芥藻
 至德琢磨今範言炳丹青道潤金壁出龍樓而問豎入虎闈
 而齒曹愛敬盡於一人光耀究於四海若夫族茂麟趾宗固

躡女展反

弗方勿切

適苦和切

珥音餌插也執也

揭渠列反趨土力反又他歷切懸土

德反繳之若切

覆無也

桴伏流反

停九永反

盤石跨躡昌姬鞞軼炎漢元宰比肩於尚父中鉉繼踵乎周
 南分陝流勿翦之歡來仕允克施之譽莫不如珪如璋令問
 令望朱弗斯皇室家君王者也本枝之盛如此稽古之政如
 彼用能免羣生於湯火納百姓於休和草萊樂業守屏稱事
 引鏡皆明目臨池無洗耳沈寘之怨既缺邁軸之疾已消興
 廉舉孝歲貢於外府署行議年日夕于中甸協律總章之司
 序倫正俗崇文成均之職導德齊禮挈壺宣夜辯氣朔於靈
 臺書笏珥彤紀言事於仙室褰帷斷裳危冠空履之吏影搖
 武猛扛鼎揭旗之士勤恤民隱糾逖王慝射集隼於高墉繳
 大風於長隧不仁者遠惟道斯行讒莠茂聞攘爭掩息稀鳴
 桴於砥路鞫茂草於圓扉耆年闕市井之游稚齒豐車馬之
 好宮隣昭泰荒憬清夷侮食來王左言入侍離身反踵之君

鬚側麻反琛癡林切又音深

麟音軌觀丁兮反

麟音麟綏而惟反又而推切拂枝勿反

撫無禹反編畢緬反

鬚首貫胸之長屈膝厥角請受纓縻文鉞碧帑之琛奇幹善
芳之賦純牛露犬之玩乘黃茲白之駟盈行儲邸克物郊虞
甌牘相尋鞮譯無曠一尉候於西東合軍書於南北暢轂埋
麟麟之轍綏旌卷悠悠之旆四方無拂五戎不距偃革辭軒
銷金罷刃天瑞降地符升澤馬來器車出紫脫華朱黃秀佞
枝植歷草滋雲潤星暉風揚月至江海呈象龜龍載文方握
河沈璧封山紀石邁三五而不追踐八九之遙迹功既成矣
世既貞矣信可以優游暇豫作樂崇德者歟于時青鳥司開
條風發歲粵上斯已惟暮之春同律克和樹草自樂稊飲之
日在茲風舞之情咸蕩去肅表平時訓行慶動於天矚載懷
平圃乃瞻芳林芳林園者福地奧區之湊丹陵若水之舊殷
殷均乎姚澤撫撫尚於周原狹豐邑之未宏陋譙居之猶編

檐音鹽

黃音啼

緹音啼

軫音零於音田

騷側絞反

駟子黨切

淳音亭醉音遂

蘇音保郤音龜

余音巷

求中和而經處揆景緯以裁基飛觀神行虛檐雲構離房乍
設層樓間起負朝陽而抗殿跨靈沼而浮榮鏡文虹於綺疏
浸蘭泉於玉砌幽幽叢薄秩秩斯于曲拂遭迴潺湲徑復新
萍泛止華桐發岫雜天采于柔黃亂嚶聲於綿羽禁軒承幸
清宮俟宴緹帷宿置帶幕宵懸既而滅宿澄霄啓光辨色戒
道執艾展軫效駕徐鑿警節明鐘暢音七萃連鑣九旂齊軌
建旗拂蜺揚葭振木魚甲煙聚貝胄星羅重英曲騷之飾絕
景追風之騎昭灼甄部駟駿函列虎視龍超雷駭電逝轟轟
隱隱紛紛軫軫羌難得而稱計爾乃廻輿駐罕岳鎮淵淳
容有穆賓儀式序授几肆筵因流波而成次蕙肴芳醴任激
水而推移葆佾陳階金匏在席戚奏翹舞籥動郅詩召鳴鳥
于弇州追伶倫於嶰谷發參差於王子傳妙靡於帝江正歌

新川

卷之二

三十一

有闕羽觴無筭上陳景福之賜下獻南山之壽信凱讌之在藻知和樂於食苹桑榆之陰不居草露之滋方渥有詔曰今日嘉會咸可賦詩凡四十有五人其辭云爾

王文憲集序

任昉

公諱儉字仲寶琅邪臨沂人也其先自秦至宋國史家諜詳焉晉中興以來六世名德為海內冠冕古語云仁人之利天道運行故呂虔歸其佩刀郭璞誓以淮水若離翦之止殺吉駿之誠感蓋有助焉公之生也誕授命世體三才之茂典踐得一之庶幾信乃昂宿垂芒德精降祉有于此蔚為帝師况乃淵角殊祥山庭異表望衢罕窺其術觀海莫際其瀾宏覽載籍博遊小義若乃金版玉匱之書海上名山之旨沈鬱澹雅之思離堅合異之談莫不總制清表逆為心極斯固通人之所包非虛明之絕境不可窮者其唯神用者乎然檢鏡所歸人倫異表雲屋大構匠者何工自函洛不守憲章中輟賀生達禮之宗蔡公儒林之亞闕典未補大備茲日至若齒危髮秀之老舍經味道之生莫不北面人宗自同資敬性託夷遠少屏塵雜自非可以弘獎風流增益標勝未嘗留心也期歲而孤叔父司空簡穆公早所器異年始志學家門禮訓皆折衷於公孝友之性豈伊橋梓夷雅之體無待韋弦汝郁之幼挺淳至黃琬之早標聰察曾何足尚年六歲襲封豫寧侯拜日家人以公尚幼弗之先告既襲珪組對揚王命因便感咽若不自勝初宋明帝居蕃與公母武康公主素不協及卽位有詔毀發舊塋投棄棺柩公以死固請誓不遵奉表啓酸切義感人神太宗聞而悲之遂無以奪也初拜秘書郎遷

沂魚依反諫待協反

衷丁仲反

新刊

采拾也刊削也

太子舍人以選尚公主拜駙馬都尉元徽初遷秘書丞於是采公曾之中經刊弘度之四部依劉歆七略更撰七志蓋嘗賦詩云稷契匡虞夏伊呂異商周自是始有應務之迹生民屬心矣時司徒袁粲有高世之度脫落塵俗見公弱齡便望風推服歎曰衣冠禮樂盡在是矣時粲位亞台司公年始弱冠年勢不侔公與之抗禮因贈粲詩要以歲暮之期申以止足之戒粲答詩云老夫亦何寄之子照清襟服闋拜司徒右長史出為義興太守風化之美奏課為最還除給事黃門侍郎旬日遷尚書吏部郎參選昔毛玠之清公李重之識會兼之者公也俄遷侍中以愍侯始終之職固辭不拜補太尉右長史時聖武定業肇基下令寤寐風雲是資人傑是以宸居膺列宿之表圖緯著王佐之符俄遷左長史齊臺既建以公

亞衣駕切次也台與能同侔等也

珣音介

營復及詔鳥答反

為尚書右僕射領吏部時年二十八宋末艱虞百王澆季禮紊舊宗樂傾恒軌自朝章國紀典彛備物奏議符策文辭表記素意所不蓄前古所未行皆取定俄頃神無滯用太祖受命以佐命之功封南昌縣開國公食邑一千戶建元二年遷尚書左僕射領選如故自營郤分司盧欽兼掌譽望所歸允集茲日尋表解選詔加侍中又授太子詹事侍中僕射如故固辭侍中改授散騎常侍餘如故太祖崩遺詔以公為侍中尚書令鎮軍將軍永明元年進號衛將軍一年以本官領丹陽尹六輔殊風五方異俗公不謀聲訓而楚夏移情故能使解劔拜仇歸田息訟前郡尹溫太真劉真長或功銘鼎彝或德標素尚臭味風雲千載無爽親加弔祭表薦孤遺遠協神期用彰世祀時簡穆公薨以撫養之恩特深恒慕表求解職

捐余專切并也

有詔不許國學初興華夷慕義經師人表允茲望實復官領
國子祭酒二年解丹陽尹領太子少傅餘悉如故挂服拍駒
前良取則臥轍棄子後予胥怨皇太子不矜天姿俯同人範
師友之義穆若金蘭又領本州大中正頃之解職四年以本
號開府儀同三司餘悉如故謙光愈遠太興末中六年又申
前命七年因辭選任帝所重違詔加中書監猶參掌選事長
興追專車之恨公會甘鳳池之失夫奔競之塗有自來矣以
難知之性協易失之情必使無訟事深弘誘公提衡惟允
紀于茲拔奇取異興微繼絕望側階而容賢候景風而式典
春秋三十有八七年五月三日薨于建康官舍皇朝軫慟儲
鉉傷情有識銜悲行路掩泣豈直春者不相一女寢機而已
哉故痛深衣冠悲纏教義豈非功深砥礪道邁舟航沒世遺

弘善也提執也充當也

式法備

軫痛也

邁過也

葆音保

愛古之益友追贈大尉侍中中書監如故給節加羽葆鼓吹
增斑劍為六人謚曰文憲禮也公在物斯厚居身以約玩
好絕於耳目布素表於造次室無姬妾門多長者立言必雅
未嘗顯其所長持論從容未嘗言人所短弘長風流許與氣
類雖單門後進必加善誘勗以丹青之價弘以青真之期公
銓品人倫各盡其用居厚者不矜其多處薄者不怨其少窮
涯而反盈量知歸皇朝以治定制禮功成作樂思我民譽緝
熙帝圖雖張曹爭論於漢朝荀摯競爽於晉世無以仰模淵
旨取則後昆每荒服請罪遠夷慕義宜威授指實寄宏略理
積則神無忤往事感則悅情斯來無是已之心事隔於容諂
罕愛憎之情理絕於毀譽造理常若可干臨事每不可奪約
已不以廉物弘量不以容非攻乎異端歸之正義公生自華

單謂寒也

肇音至

宗世務簡隔至於軍國遠圖刑政大典既道在廊廟則理擅
民宗若乃明練庶務鑒達治體懸然大得不謀成心求之載
籍翰牘所未紀訊之遺老耳目所不接至若文案自環主者
百數皆深文爲吏積習成奸畜筆削之刑懷輕重之意公秉
理照物動必研幾當時嗟服若有神道豈非希世之儁民瑚
璉之宏器助行無異操才無異能得奉名節迄將紀一言
之譽東陵侔於西山一面之榮鄭璞踰於周寶士感知已懷
此何極出入禮闈朝夕舊館瞻棟宇而興慕撫身名而悼恩
公自幼及長述作不倦固以理窮言行事該軍國豈直彫章
縟采而已哉若乃統體必善綴賞無地雖楚趙羣才漢魏衆
作曾何足云叻嘗以筆札見知思以薄技效德是用綴緝遺
文永貽世範爲如十卷所撰古今集記今書七志爲一家之
言不列于集集錄如左

綴述也
如于猶若干也

頌類

聖主得賢臣頌

王褒

夫荷旃被毳者難與道純綿之麗密羹藜唘糗者不足與論
太牢之滋味今臣僻在西蜀生於窮巷之中長於蓬茨之下
無有游觀廣覽之知顧有至愚極陋之累不足以塞厚望應
明旨雖然敢不略陳愚心而抒情素記曰恭惟春秋去五始
之要在乎審已正統而已夫賢者國家之器用也所任賢則
趨舍省而功施普器用利則用力少而就效衆故工人之用
鈍器也勞筋苦骨終日矻矻及至巧冶鑄千將之璞清水淬
其鋒越砥斂其鏗水斷蛟龍陸剗犀革忽若鷲冠畫塗如此
則使離婁督繩公輪削墨雖崇臺五層延表百丈而不溷者

頌音誦稱述也卷也
陰音含類去久及
純音骨反淬于會
反
錐刀也刺音交反
斬也鑿音遂也
楚切
褒音茂國胡困反

新刊文選卷之五

吻武粉切

靶音霸

嘔音又一侯切

喻音命

困音本友

工用相得也。庸人之御駕馬，亦傷吻弊策而不進於行。胸喘
 膚汗，人極馬倦，及至駕齧膝，駮乘日，王良執靶，韓哀附輿，縱
 騁馳騫，忽如影靡，過都越國，蹶如歷塊，追奔電逐，遺風周流，
 八極萬里，息何其遼哉！人馬相得也，故服絺絰之涼者，不
 苦盛暑之鬱燠；襲狐貉之煖者，不憂至寒之悽愴。何則？有其
 具者，易其備。賢人君子，亦聖王之所以易海內也。是以嘔喻
 受之，開寬裕之路，以延天下之英俊也。夫竭智附賢者，必建
 仁策，索人求士者，必樹伯迹。昔周公躬吐握之勞，故有囿空
 之隆；齊桓設庭燎之禮，故有匡合之功。由此觀之，君人者，勤
 於求賢，而逸於得人，人臣亦然。昔賢者之未遭遇也，圖事揆
 策，則君不用其謀；陳見，悃誠則上不然其信。進任不得，施效
 斥逐，又非其愆，是故伊尹勤於鼎俎，太公困於鼓刀，百里自

鬻膏子飯，牛離此患也。及其遇明君，遭聖主也，運籌合上意，

關稱用也，與於六反，深音壽

隘音脚

說音恰

呼音浮，喻音甫

遜音遜，大計切

諫諍，則見聽，進退得關其忠，任職得行其術。去卑辱，與潔而
 升本朝，離疏釋躄，而享膏梁，剖符錫壤，而光祖考，傳之子孫，
 以資說士。故世必有聖智之君，而後有賢明之臣。虎嘯而谷
 風列，龍興而致雲氣，蟋蟀俟秋吟，蜉蝣出以陰，易口飛龍在
 天，利見大人。詩曰：思皇多士，生此王國。故世平主聖，俊又將
 自至。若堯舜禹湯文武之君，獲稷契皋陶伊尹呂望之臣，明
 明在朝，穆穆列布，聚精會神，相得益音。雖伯牙操籟，鐘蓬門
 子，鸞鳥號，猶未足以喻其意也。故聖主必待賢臣，而弘功業，
 俊士亦俟明主，以顯其德。上下俱欲，懽然交欣。載一會論，
 說無疑翼乎，如鴻毛遇順風，沛乎若巨魚縱大壑，其得意如
 此，則胡禁不止，曷令不行。化溢四表，橫被無窮，遐夷貢獻萬

賈承也

險音呼盧音虛

祥必臻是以聖主不徧窺望而視已明不殫傾耳而聽已聰
恩從祥風翽德與和氣游太平之貴塞優游之望得邊游自
然之勢恬淡無為之場休徵自至壽考無疆雍容萬拱永永
萬年何必偃仰詘信若彭祖煦噓呼吸如喬松眇然絕俗離
世哉詩曰濟濟多士文王以寧蓋信乎其以寧也

趙克國頌

楊雄

戌天也零音伶又音騰

震音貞協韻

明靈惟宣戎有先零先零猖狂侵漢西疆漢命虎臣惟後將
軍整我六師是討是震既臨其域諭以威德有守矜功謂之
弗克請奮其旅于罕之羌天子命我從之鮮陽營平守節屢
奏封章料敵制勝威謀靡元遂克西戎還師于京鬼方賓服
罔有不庭昔周之宣有方有虎詩人歌功乃列于雅在漢中
興克國作武趙趙桓桓亦紹厥後

元音剛

出師頌

史岑

茫茫上天降祚有漢兆基開業人神攸贊五曜宵映素靈夜
歎皇運來授萬寶增煥歷紀十一天命中易西零不順東夷
邁逆乃命上將授以雄戟桓桓上將寔天所啓允文允武明
詩悅禮憲章自揆為世作楷昔在孟津惟帥尚父素旄一麾
渾一區宇蒼生更始朔風變律薄代獫狁至于太原詩人歌
之猶歎其艱况我將軍窮域極邊鼓無停響旗不雙褰澤沾
遐荒功銘鼎鉉我出我師于彼西疆天子餞我路車乘黃言
念伯舅恩深渭陽介珪既削列壤酬勲今我將軍啓土上郡
傳子傳孫顯顯令問

揆度也楷則也

鉉音玄協韻

酒德頌

劉伶

有大人先生以天地為朝萬期為須臾日月為扃牖八荒

韻音姑稔苦園反

鬮音驚棋乘其反
踞音據

馬如字又馬如猶
何如也螺音果屬
力果反蝻音名蛉
音靈

曲顯羽切逆音遇

為庭衢行無轍跡居無室廬幕天席地縱意所知止則操卮
執觚動則挈榼提壺唯酒是務焉知其餘有貴介公子搢紳
處士聞吾風聲議其所以乃奮袂攘襟怒目切齒陳說禮法
是非鋒起先生於是方捧鬯承槽銜杯漱醪奮髯踞蹠枕麴
藉槽無思慮其樂陶陶兀然而醉豁爾而醒靜聽不聞雷
庭之聲熟視不覩泰山之形不覺寒暑之切肌利欲之感情
俯觀萬物擾擾焉如江漢之載浮萍一豪侍側焉如螺贏之
與螟蛉

漢高帝功臣頌

陸機

相國鄧文終侯沛蕭何相國平陽懿侯沛曹參太子少傅留
文成侯韓張良丞相曲逆獻侯陽武陳平楚王淮陰韓信梁
王昌彭越淮南王六黥布趙景王大梁張耳韓王韓信燕王

絳古巷切

斬居近切歛音翁

食音異

參登錦及培也蠟
蝶也濁也
載運也

豐廬縮長沙文王吳芮荆王沛劉賈太傅安國懿侯王陵左
丞相絳武侯沛周勃相國舞陽侯沛樊噲右丞相曲周景侯
高陽酈商太僕汝陰文侯沛夏侯嬰丞相穎陰懿侯睢陽灌
嬰代丞相陽陵景侯魏傅寬車騎將軍信武肅侯斬欽大行
廣野君高陽酈食其中郎建信侯齊劉敬太中大夫楚陸賈
太子太傅稷嗣君薛叔孫通魏無知護軍中尉隨何新成三
老董公轅生將軍紀信御史大夫沛周苛平國君侯公右三
十一人與定天下安社稷者也頌曰
芒芒宇宙上塲下躡波振四海塵飛五岳九服徘徊三靈改
卜赫矣高祖肇載天祿沈跡中鄉飛名帝錄慶雲應輝皇階
授木龍興泗濱虎嘯豐谷彤雲晝聚素靈夜哭金精仍頽朱
光以渥萬邦宅心駿民效足堂堂蕭公王跡是因綢繆獻后

遇行也無下也
穆和也

悉音忌教也

曲區句及逆音遇

齊音齊

脛同脛此兩切

索桑各反扼同規
乙革切把也

且子余反

設與韻古字通藏也匿隱也

𠃉音麵

𠃉音稅扇助也

詒音怡伊其也又
是也媿俱位切同
愧洎至也

婉變相親貌

鎗呼玄反

無競惟人外濟六師內撫三秦拔奇夷難邁德振民體國垂
制上穆下親名益羣后是謂宗臣平陽樂道在變則通爰淵
爰嘿有此武功長驅河朔電擊壤東協策淮陰亞跡蕭公文
成作師通幽洞冥永言配命因心則靈窮神觀化望影揣情
鬼無隱謀物無遁形武關是闢鴻門是寧隨難榮陽即謀下
邑銷印甚廢推齊勸立運籌固陵定策東襲三王從風五侯
允集霸楚實喪皇漢凱入怡顏高覽弭翼鳳戢託跡黃老辭
世卻粒曲逆宏達好謀能深游精杳漠神跡是尋車玄匪奧
九地匪沈代謀先兆擠響于音奇謀六畜嘉慮四廻規主於
足離項于懷格人乃謝楚翼定摧韓王窘執胡馬洞開迎文
以謀哭高以哀灼灼淮陰靈武冠世策出無方思入神契奮
臂雲興騰跡虎噬陵險必夷摧剛則脆肇謀漢濱還定渭表

京索既扼引師北討濟河夷魏登山滅趙威亮火烈勢踰風
掃拾代如遺偃齊猶草一州肅清四邦咸舉乃眷北燕遂表
東海克滅龍且爰取其旅劉項懸命人謀是與念功惟德辭
通絕楚彭越觀時弢迹匿光人具爾瞻翼爾鷹揚威凌楚域
質委漢上清難河濟即宮舊梁烈烈黥布耽耽其𠃉名冠疆
楚鋒猶駭電觀幾蟬蛻悟主革面肇彼梟風翻為我扇天命
方輯王在東夏矯矯三雄至于垓下元凶既夷寵祿來假保
大全非德孰可謀之不臧舍福取禍張耳之賢有聲梁魏
士也罔極自詒伊媿俯思舊恩仰察五緯脫跡違難披榛來
洎改策西秦報辱北冀悴葉更輝枯條以肄王信韓薛七士
開疆我圖爾才越遷晉陽盧縮自微婉變我皇跨功踰德祚
爾輝章人之貪禍寧為亂止吳芮之王祚由梅鎗功微勢弱

世載忠賢肅肅荆王董我王軍我圖四方殷薦其勳庸親作

逸疾也

勞舊楚是分往踐厥宇大啓淮濱女國違親悠悠我思依依
哲母既明日慈引身伏劔永言固之淑人君子實邦之基義
形於色憤發下辭主亡與亡末命是期絳侯質木多略寡言
曾是忠勇惟帝攸歎雲霧靈白景逸上蘭平代禽獅奄有燕
韓寧亂以武斃呂以權滌穢紫宮徵帝太原實惟太尉劉宗
以安挾功震主自古所難勳耀上代身終下藩舞陽道迎延
帝幽數宣力王室匪惟厥武總下鴻門披闥帝宇聳顏請項
掩淚寤王曲周之進于其哲兄俾率爾徒從王于征振威龍
脫攄武墉城六師寔因克荼禽鯨猗歟汝陰綽綽有裕戎軒
肇跡荷策來附馬煩轡殆不釋擁樹皇儲時又平城有謀賴
陰銳敏屢爲軍鋒奮戈東城禽項定功乘風藉響高步長江

聳音疎高也

脫音奪

輅胡格反

收吳引淮光啓于東陽陵之勳元帥是承信武薄伐揚節江
陵夷王殄國仰亂作懲恢恢廣野誕節令圖進竭嘉謀退守
名都東規白馬北距飛狐卽倉敖庾據險二塗輞軒東踐漢
風載徂身死于齊非說之幸我皇寔念言前爾狐建信委輅
被褐獻寶指明周漢銓時論道移帝伊洛定都鄂鎬乘遠鎮
邇寔敬攸考抑抑陸生知言之貫往制勁越來訪皇漢附會
平勃夷凶翦亂所謂伊人邦家之彥百王之極舊章歷存漢
德雖朗朝儀則昏稷嗣制禮下肅上尊穆穆帝典煥其盈門
風旆二代憲流後昆無知叡敏獨昭奇跡察倅蕭相既何師
錫隨何辯達因資於敵紆漢披楚唯生之績幡幡董叟謀我
平陰三軍縞素天下歸心袁生秀朗沈心善照漢旆南振楚
威自撓大略淵回元功響效邈哉惟人何識之妙紀信誑項

肅敬也

肅望也

幡音波

撓奴教切惟猶此

世載忠賢肅肅荆王董我王軍我圖四方殷薦其勳庸親作

軫以焦反齋即更反字亦作齋

媪高老反

贊則肝切音讚明也佐也

清倉句切美好也厭音琰

軫軒是乘攝齋赴節用死孰懲身與煙消名與風興周苛慷
愾心若懷冰形可以暴志不可凌貞軌偕沒亮跡雙升帝疇
爾庸後嗣是膺天地雖順王心有違懷親望楚永言長悲候
公伏軾皇媪來歸是謂平國寵命有輝宸風過物清濁效響
大人于興利在攸往弘海者川崇山惟壤韶護錯音袞龍比
象明明衆哲同濟天網劔宜其利鑒獻其朗文武四克漢祚
克廣悠悠遐風千載是仰

贊類

東方朔畫像贊并序

夏侯湛

大夫諱朔字曼倩平原厭次人也魏建安中分厭次以為樂
陵郡故又為郡人焉事漢武帝漢書具載其事先生瓌瑋博
達思周變通以為濁世不可以富貴也故薄游以取位苟出

詠苦回反又口回反

侗秀反又他歷切

豁呼括反轉音歷
晒听同式忍切
踏音臺出進也
邁過也
噓音虛吸許急反

不可以直道也故頡頏以傲世傲世不可以垂訓也故正諫
以明節明節不可以久安也故詛諧以取容潔其道而穢其
跡清其質而濁其文弛張而不為邪進退而不離羣若乃遠
心曠度瞻智宏材侗儻博物觸類多能合變以明弄幽贊以
知來自三墳五典八索九丘陰陽圖緯之學百家衆流之論
周給敏捷之辯支離覆逆之數經脉藥石之藝射御書計之
術乃研精而究其理不冒而盡其功經目而諷於口過耳而
聞於心夫其明濟開豁包含弘大陵轢卿相嘲哂豪傑籠罩
靡前踏籍貴勢出不休顯賤不憂戚戲萬乘若寮友視儔列
如草芥雄節邁倫高氣蓋世可謂拔乎其萃游方之外者已
談者又以先生噓吸冲和吐故納新蟬蛻龍變棄俗登仙神
交造化靈為星辰此又奇怪恍惚不可備論者也大人來守

此國僕自京都言歸定省觀先生之縣邑想先生之高風徘徊路寢見先生之遺像逍遙城郭觀先生之祠宇慨然有懷乃作頌焉其辭曰

矯矯先生肥遯居貞退不終否進亦避榮臨世濯足希古振纓涅而無滓既濁能清無滓伊何高明克柔能清伊何視汙若浮樂在必行處儉罔息跨世凌時遠蹈獨游瞻望往代爰想遐蹤邈邈先生其道猶龍染迹朝隱和而不同栖遲下位聊以從容我來自東言適茲邑敬問墟墳企佇原隰墟墓徒存精靈永戢民思其軌祠宇斯立徘徊寺寢遺像在圖周旋祠宇庭序荒蕪椽棟傾落草萊弗除肅肅先生豈烏是居是居弗形悠悠我情昔在有德罔不遺靈天秩有禮神監孔明彷彿風塵用垂頌聲

淨猶清

企佇謂望立也
戰藏也

序贊言并序也

三國名臣序贊

袁宏

肆陳也

夫百姓不能自治故立君以治之明君不能獨治則為臣以佐之然則三五迭隆歷世承基揖讓之與干戈文德之與武功莫不宗匠陶鈞而羣才緝熙元首經略而股肱肆力雖遭離不同且跡有優劣至於體分冥固道契不隆風美所扇訓革千載其揆一也故二八升而唐朝盛伊呂用而湯武寧三賢進而小白興五臣顯而重耳霸中古陵遲斯道替矣居上者不以至公理物為下者必以私路期榮御圓者不以信誠率眾執方者必以權謀自顯於是君臣離而名教薄世多亂而時不治故遠寄以之卷舒柳下以之三黜接輿以之行歌魯連以之赴海衰世之中保持明節君臣相體若合符契則燕昭樂毅古之流也夫未遇伯樂則千載無一驥時值龍顏

則當年控二傑漢之得材於斯爲貴高祖雖不以道勝御物
羣下得盡其忠蕭曹雖不以三代事主百姓不失其業靜亂
庇人抑亦其次夫時方顛沛則顯不如隱萬物思治則默不
如語是以古之君子不患弘道難遭時難遭時不難遇君難
故有道無時孟子所以咨嗟有時無君賈生所以垂泣夫萬
歲一期有生之通塗千載一遇賢智之嘉會遇之不能無欣
喪之何能無慨古人之言信有情哉余以暇日常覽國志考
其君臣比其行事雖道謝先代亦異世一時也文若懷獨見
之明而有救世之心論時則民方塗炭計能則莫出魏武故
委而霸朝豫議世事舉才不以標鑒故久之而後顯籌畫不
以要功故事至而後定雖亡身明順識亦高矣董卓之亂神
器遷逼公達慨然志在致命山斯而談故以大存名節至如

身爲漢隸而跡入魏幕源流趣舍其亦文若之謂所以存亡
殊致始終不同將以文若旣明名教有寄乎夫仁義不可不
明則時宗舉其致生理不可不全故達識攝其契相與弘道
豈不遠哉崔生高朗折而不撓所以策名魏武執芻霸朝者
蓋以漢主當陽魏后北面者哉若乃一旦進璽君臣易位則
崔子所不與魏武所不容夫江湖所以濟舟亦所以覆舟仁
義所以全身亦所以亡身然而先賢玉摧於前來哲攘袂於
後豈非天懷發中而名教束物者乎孔明盤桓俟時而動遐
想管樂遠明風流治國以禮民無怨聲刑罰不濫沒有餘泣
雖古之遺愛何以加茲及其臨終顧託受遺作相劉后授之
無疑心武侯處之無懼色繼體納之無貳情百姓信之無異
辭君臣之際良可詠矣公瑾卓爾逸志不羣總角料主則素

與許也

素猶心也

愕五各切

契於伯符晚節騷奇則參分於赤壁惜其齡促志未可量子
 布佐策致延譽之美輟哭止哀有翼戴之功神情所涉豈徒
 蹇愕而已哉然而杜門不用登壇受譏夫一人之身所照未
 異而用舍之間俄有不同況沈跡清壑遇與不遇者乎夫詩
 頌之作有自來矣或以吟詠情性或以述德顯功雖大旨同
 歸所託或垂若夫出處有道名體不滯風軌德音為世作範
 不可廢也故復撰序所懷以為之讚云魏志九人蜀志四人
 吳志七人荀彧字文若諸葛亮字孔明周瑜字公瑾荀攸字
 公達龐統字士元張昭字子布袁渙字曜卿蔣琬字公琰魯
 肅字子敬崔琰字季珪黃權字公衡諸葛瑾字子瑜徐邈字
 景山陸遜字伯言陳羣字長文顧雍字元歎夏侯玄字泰初
 虞翻字仲翔王經字承宗陳泰字玄伯火德既微運纏大過

通協韻

曠同士革切幽深難見又求也爾益也

曠古代反

晒笑也

曠魚力反

洪颺扇海一浪揚波虬虎雖驚風雲未和潛魚擇淵高鳥侯
 柯赫赫二雄並迴乾軸競收杞梓爭采松竹鳳不及栖龍不
 暇伏谷無幽蘭嶺無亭菊英英文若靈鑿洞照應變知微探
 曠賞要日月在躬隱之彌曜文明映心鑽之愈妙滄海橫流
 玉石同碎達人兼善廢已存愛謀解時紛切濟宇內始救生
 人終明風槩公達潛朗思同著蔡運用無方動攝羣會爰初
 發跡邁此顛沛神情玄定處之彌泰情悃幕裏算無不經疊
 疊通韻跡不暫停雖懷尺璧顧晒連城智能拯物愚足全生
 郎中溫雅器識純素貞而不諛通而能固恂恂德心汪汪軌
 度志成弱冠道敷歲暮仁者必勇德亦有言雖遇履虎神氣
 恬然行不脩飾名跡無愆操不激切素風愈鮮邈哉崔生體
 正心直天骨疎朗牆宇高巍忠存軌跡義形風色思樹芳蘭

全立也濟音鳥

撓女教切

極音角切等音莫貢切又武公切

剪除荆棘人惡其上時不容哲琅琅先生雅杖名節雖遇塵
 霧猶振霜雪運極道消碎此明月景山恢誕韻與道合形器
 不存方寸海納和而不同通而不雜遇醉忘辭在醒貽答長
 文通雅義格終始思戴元首擬伊同耻民未知德懼若在已
 嘉謀肆庭讜言盈耳玉生雖麗光不踰把德積雖微道映天
 下淵哉泰初字量高雅器範自然標準無假全身由直跡涉
 必偽處死匪難理存則易萬物波蕩孰任其累六合徒廣容
 身靡寄君親自然匪由名教敬愛既同情禮兼到烈烈王生
 知死不撓求仁不遠期在忠孝玄伯剛簡大存名體志在高
 構增堂及陞端委虎門正言彌啓臨危致命盡其心禮堂堂
 孔明基宇宏邈器同生民獨稟先覺標榜風流遠明管樂初
 九龍盤雅志彌確百六道喪干戈迭用苟非命世孰掃雰

協韻 控引也急也

微美也

亂也

宗子思寧薄言解控釋褐中林鬱為時棟士元弘長雅性內
 融崇善愛物觀始知終喪亂備矣勝塗未隆先生標之振起
 清風綢繆哲后無妄惟時夙夜匪懈義在緝熙三略既陳霸
 業已基公琰植根不忘中正豈曰摸擬實在雅性亦既羈勒
 負荷時命推賢恭已久而可敬公衡冲達秉心淵塞婚茲一
 人臨難不惑疇昔不造假翮鄰國進能徽音退不失德六合
 紛紜民心將變鳥擇高梧臣須顧眎公瑾英達朗心獨見披
 草束君定交一面相相魏武外託霸跡志掩衡霍恃戰志敵
 卓卓若人曜奇赤壁三光參分宇宙暫隔子布擅名遭世力
 擾撫翼桑梓息肩江表王略威夷吳魏同寶遂獻宏謨匡此
 霸道桓王之薨大業未純把臂託孤惟賢與親輟哭止哀臨
 難忘身成此南面是由老臣才為世出世亦須才得而能任

猜倉才切疑也

獻進也管廢也

玷都念切

說使陳切舉也

私安也

麗著也墜落也

貴在無猜昂昂子敬拔跡草萊荷擔吐奇乃構雲臺子喻都
長體性純懿諫而不犯正而不毅將命公庭退忘私位豈無
鵠鷁固慎名器伯言蹇蹇以道佐世出能勤功入能獻替謀
寧社稷解紛挫銳正以招疑忠而獲戾元歎穆遠神和形檢
如彼白珪質無塵玷立上以恒匡上以漸清不增潔濁不加
染仲翔高亮性不和物好是不羣折而不屈屢推逆鱗直道
受黜歎過孫陽放同賈屈洗洗衆賢一載遇整纒高衢驥
首人路仰抱玄流俯弘時務名節殊途雅致同趣日月麗天
瞻之不墜仁義在躬用之不價尚想遐風載挹載味後生擊
節懦夫增氣

符命類

封禪文

司馬相如

選數也辟君也

踵踏也繼也

罔無也與罔同若

順也

詳音翔審也又求也

郵音質

易盈之切湛音沈

龐莫江反

冠出也后君也按

度也元始也

都美也又於也後

所也卒盡也

音幸魏音蒲莫切

伊上古之初肇自昊穹之生民歷選列辟以迄於秦率邇者
踵武逖聽者風聲紛綸葳蕤湮滅而不稱者不可勝數也繼
昭夏崇號謚略可道者七十有二君罔若淑而不昌疇逆失
而能有軒轅之前遐哉邈乎其詳不可得聞已五三六經載
籍之傳維風可觀也書曰元首明哉股肱良哉因斯以談君
莫盛於唐堯臣莫賢於后稷后稷創業於唐堯公劉發跡於
西戎文王改制爰周邛隆大行越成而後陵遲衰微千載上
聲豈不善始善終哉然無異端慎所出於前謹遺教於後耳
故軌跡夷易易遵也湛恩龐鴻易豐也憲度著明易則也垂
統理順易繼也是以業隆於襁褓而崇冠於后揆厥所元
終都攸卒未有殊尤絕跡可考於今者也然猶躡梁父登泰
山建顯號施尊名大漢之德逢湧原泉沕瀟曼羨旁鬼四塞

咳古來切 延音

咏音詠 咏音

闔音改反音 闔音

工遙反 音道

也 音格

反 音

國音 音

力 音

惡至反 音

讓音 音

况善也 音

聖音 音

雲布霰散上暢九垓下沂八埏懷生之類霑濡浸潤協氣橫

流武節焱逝通陜游原遐濶泳沫首惡鬱沒晡昧昭晰昆蟲

闔澤回首面內然後困騶虞之珍羣微麋鹿之惟獸渠一莖

六穗於庖犧雙貉共柢之獸獲周餘珍放龜於岐招翠黃乘

龍於沼鬼神接靈囿賓於間館奇物譎詭傲儻窮變欽哉符

瑞臻茲猶以為德薄不敢道封禪蓋周躍魚隕航休之以燎

微夫斯之為符也以登介丘不亦惡乎進讓之道何其爽歟

於是大司馬進曰陛下仁育羣生義征不讓諸夏樂貢百蠻

執贄德侔往初功無與二休烈浹洽符瑞衆變應期紹至不

特創見意者泰山梁甫設壇場望幸益號以况榮上帝垂恩

儲祉將以慶成陛下謙讓而弗發也挈三神之歡缺王道之

儀羣臣惡焉或謂且天為質闇示珍符固不可辭若然辭之

是泰山靡記而梁父罔幾也亦各並時而榮咸濟厥世而屈

說者尚何稱於後而云七十二君哉夫脩德以錫符奉命以

行事不為進越也故聖王不替而脩禮地祇謁欵天神勒功

中嶽以章至尊舒盛德發號榮受厚福以浸黎元皇皇哉斯

事天下之壯觀王者之不業不可貶也願陛下全之而後因

雜摺紳先生之略術使獲耀日月之末光絕炎以展案錯事

猶兼正列其義被飾厥文作春秋一藝將襲舊六為七據之

無窮俾萬世得激清流揚微波飛英聲騰茂實前聖所以永

保鴻名而常為稱首者用此宜命掌故悉奏其儀而覽焉於

是天子沛然改容曰俞乎朕其試哉乃遷思迴慮總公卿之

議詢封禪之事詩大澤之博廣符瑞之富遂作頌曰自我天

覆雲之油油甘露時雨厥壤可游滋液滲漉何生不育嘉穀

調告也 誠也

炎音焰 音

飛 音

沛 音

詢 音

參 音

曷何也
沆音似
侯何也

般音班
般音夏

能他代切
來協韻

炫音縣

輝胡本反

諄之純反

於音烏

假音格

六穗我穡曷蓄非唯雨之又潤澤之非唯徧之我汜布護之
萬物熙熙懷而慕思名山顯位望君之來君乎君乎侯不邁
哉般般之獸樂我君圃白質黑章其儀可嘉收收穆穆君子
之態蓋聞其聲今親其來厥塗靡從天瑞之徵茲亦於舜虞
氏以興濯濯之麟游彼靈時孟冬十月君徂郊祀馳我君興
帝用享社三代之前蓋未嘗有宛宛黃龍興德而升采色炫
燿煥炳輝煌正陽顯見覺悟黎蒸於傳載之云受命所乘厥
之有章不必諄諄依類託寓喻以封禪披藝觀之天人之際
已交上下相發允答聖王之德競競翼翼故曰於興必慮衰
安必思危是以湯武至尊嚴不失肅祇殫在假典顧省闕遺
此之謂也

劇秦美新并序

楊雄

參合也

胸音懸
章是也

睢許惟反
音呼

睢音呼

睢音振切

諸吏中散大夫臣雄稽首再拜上封事皇帝陛下臣雄經術
淺薄行能無異數蒙渥恩拔擢倫比與羣賢並位愧無以稱
職臣伏惟陛下至聖之德龍興登庸欽明尚古作民父母為
天下主執粹清之道鏡照四海聽聆風俗博覽廣包參天貳
地兼並神明配五帝冠三王開闢已來未之聞也臣誠樂昭
著新德光之罔極往時司馬相如作封禪文一篇以彰漢氏
之休臣嘗有顛胸病恐一旦先犬馬填溝壑所懷不章長恨
黃泉敢竭肝膽寫腹心作劇秦美新一篇雖未究萬分之一
亦臣之極思也臣雄稽首再拜以聞曰

權輿天地未祛睢睢盱盱或玄而萌或黃而牙玄黃剖判上
下相嘔爰初生民帝王始存在乎混混茫茫之時覺聞空漫
而不昭察世莫得而云也厥有云者上罔顯於羲皇中莫盛

嘯永勿切郤音越

從子容切衛音橫

軼於仰反

賈音奎劉梵韻反

刮古八反

縣古然字燒也勸記也

狙士余反獲古孟反

浸音侵潭音添

兼蒲波切又步忽切音韻

於唐虞邇靡者於成周仲尼不遭用春秋因斯發言神明所
祚兆民所託罔不云道德仁義禮智獨秦崛起西戎邠荒岐
雍之疆因襄文宣靈之僭跡立基孝公茂惠文奮昭莊至政
破從擅衡并吞六國遂稱乎始皇盛從軼儀韋斯之邪政馳
騫起翦恬貴之用兵剗滅古文剗語燒書弛禮崩樂塗民耳
日遂欲流唐漂虞條殷蕩周難除仲尼之篇籍自勅功業改
制度軌量咸稽之於秦紀是以者儒碩老抱其書而遠遜禮
官博士卷其舌而不談來儀之鳥肉角之獸狙獷而不臻甘
露嘉醴景曜浸潭之瑞潛大弗經實巨狄鬼信之妖發神歇
靈液海水羣飛一世而亡何其劇與帝王之道競競乎不可
離已夫能貞而明之者窮祥瑞回而昧之者極妖慝上覽古
在昔有憑應而尚缺焉壞徹而能全故若古者稱堯舜威侮

汛音信又與酒同所買切灑也

宛音寬葉音攝

緇古玄反辟法也

襲猶因也

渾音必勿音勿濁音聿滂音庭

折音祈又與根通

天曆反

假音格

離應也治也

者陷桀紂况蓋汛掃前聖數千載功業專用已之私而能享
祐者哉會漢祖龍騰豐沛奮汛宛葉自武關與項羽戮力咸
陽創業蜀漢發跡三秦克項山東而帝天下擿秦政慘酷尤
煩者應時而緇如儒林刑辟歷紀圖典之用稍增焉秦餘制
度項氏爵號雖違古而猶襲之是以帝典闕而不補上綱弛
而未張道極數殫閭忽不遠逮至人新受命上帝還資后土
顧懷玄符靈契黃瑞涌出渾渤湧滿川流海滄雲動風偃霧
集雨散誕彌八圻上陳大庭震聲日景炎光飛響盈塞天淵
之間必有不可辭讓云爾於是乃奉若天命窮寵極崇與天
剖神符地合靈契創億兆規萬世奇偉倜儻譎詭人祭地事
其異物殊恠存乎五威將帥班乎天下四十有人章登假皇
穹鋪行下土非新家其疇離之卓哉煌煌真天子之表也若

續祖管切踵道也又躡也

禮和也

宜偏也

穆和也

懷來也

夫白鳩丹鳥素魚斷蛇力斯茂矣受命甚易格來甚勤昔帝
纘皇王纘帝隨前踵古或無為而治或損益而亡豈如新室
委心積意儲思垂務旁作穆穆明且也不寐勤懇懇者非
秦之為與夫不勤勤則前人不當不懇懇則覺德不惜是以
發祕府覽書林遙集乎文雅之囿翱翔乎禮樂之場胤殷周
之失業紹唐虞之絕風懿律嘉量金科玉條神卦靈兆古文
畢發炳煥照耀靡不宣臻式軫軒旂旗以示之揚和鸞肆夏
以節之施黼黻袞冕以昭之正嫁娶送終以尊之親九族淑
賢以穆之夫改定神祇上儀也欽脩百祀咸秩也明堂雍臺
壯觀也九廟長壽極孝也制成六經洪業也北懷單于廣德
也若復五爵度三壤經井田免人役方甫刑匡馬法恢宗祇
庸燦德懿和之風廣彼摺紳講習言諫箴誦之塗振聳之聲

漸進也繼為連也續與鞮古字通音讀

麟與麟古字通用

揭綺例及術法也

淳音庭

鳴魚恭反惡音鳥

摘舒也

真許又反

疑成也熙唐多與喜古字通提杜溪

充庭鴻鸞之黨漸階仰前聖之緒布濩流行而不韞積郁郁
乎煥哉天人之事盛矣鬼神之望允塞羣公先正罔不夷儀
姦宄寇賊罔不振威紹少典之苗著黃虞之裔帝典闕者已
補王綱弛者已張炳炳麟麟豈不懿哉厥被風濡化者京師
沈潛甸內而洽侯衛厲揭要荒濯沐而術前典巡四民迄四
獄增封泰山廣禪梁甫斯受命者之典業也蓋受命日不暇
給或不受命然猶有事矣况堂堂有新政厥時崇嶽滄海
通瀆之神咸設壇場望受命之臻焉海外遐方信延頸企踵
圓面內響喁喁如也帝者雖勤讓惡可以已乎宜命賢哲作
帝典一篇奮三為一襲以示來人摘之罔極令萬世常戴巍
巍履栗栗具聲香含甘實鏡純粹之至精聆清和之正聲則
百工伊凝庶績越熙荷天衢提地鼉斯天下之上則已庶可

新川文選 卷之十一

切發理也

典引典者常也法也引者伸也長也

郝音絲

寧猶何也

試哉

典引

臣固言永平十七年臣與賈逵傳毅杜矩展隆郝萌等召詣
 雲龍門小黃門趙宣持秦始皇帝本紀問臣等曰太史遷下
 贊語中寧有非耶臣等對曰此贊賈誼過秦篇言向使子嬰
 有庸主之才僅得中仿秦之社稷未宜絕也此言非是即召
 臣入問本聞此論非耶將見問意開寤耶臣具對素聞知狀
 詔因曰司馬遷著書成一家言揚名後世至以身陷刑之故
 反微文刺譏貶損富世非誼上也司馬相如洵行無節但有
 浮華之詞不周於用至於疾病而遺忠主上求取其書竟得
 頌述功德言封禪事忠臣效也至是賢遷遠矣臣固常伏刻
 誦聖論昭明好惡不遺細微緣事斷誼動有規矩雖仲尼之

因史見意亦無以加臣固被學最舊受恩浸深誠思罪力竭
 情吳天罔極臣固頓首伏惟相如封禪靡而不典揚雄美新
 典而無實然皆游揚後世垂為舊式臣固才朽不及前人益
 詠雲門者難為音觀隨和者難為珍不勝區區竊作典引一
 篇雖不足雍容明盛萬分之一猶樂啓發憤懣覺悟童蒙光
 揚大漢軼聲前代然後退入溝壑死而不朽臣固愚慙頓首
 頓首曰太極之元兩儀始分烟烟熅熅有沈而奧有浮而清
 沈浮交錯庶類混成肇命民主五德初起同於草昧之混之
 中踰繩越契寂寥而詔者系不得而綴也厥有氏號紹天
 闡繹莫不開元於太昊皇初之首上哉夏乎其書猶可得而
 脩也亞斯之世通變神化函光而未曜若夫上稽乾則降承
 龍翼異而炳諸典謨以冠德卓絕者莫崇乎陶唐陶唐含亂而

頤陟降切

烟音因熅於云反

正音無綴知鏡切連出

釋音亦

函音合

緜緜也
迎音狄哲詰同

標必搖反緜
反

度居也台嗣也失
陳也敦勉也攝與
摩同

曠去貴反幽深也

禪有虞有虞亦命夏后稷契熙載越成湯武股肱既周天廼
歸功元首將授漢劉俾其承三季之荒木值九龍之災孽懸
象闇而恒文垂彛倫斲而舊章缺故先命玄聖使綴學立制
宏亮洪業表相祖宗贊揚迪哲備哉燦爛真聖明之式雖皇
夔衡且密勿之輔比茲褊矣是以高光一聖宸居其域時至
氣動乃龍見淵躍拍翼而未舉則威靈紛紛海內雲蒸雷動
電爍胡縊芬分尚不泣其誅然後欽若上下恭揖羣后正位
度宗有于德不台淵穆之讓靡號師久敦奮搗之容蓋以膺
當人之正統受克讓之歸運蓄炎上之烈精縑孔佐之弘陳
云爾洋洋乎若德帝者之上儀詰誓所不及已鋪觀一代洪
織之度其曠可探也並開迹於一簣同受侯甸之服奕世勤
民以方伯統牧乘其命賜彤弧黃鉞之威用討韋顧黎崇之

參音三鑄音皓蝸
與離音義同

於音烏皦音皎
音亦

烏長也奕盛也克
能也自猶事也

沂上也

不恪至于參伍華夏京遷鎬亳遂自北而虎螭其師革滅天
邑是故誼上華而不敦武稱木盡護有慙德不其然與亦猶
於穆倚邴翁純皦繹以崇嚴祖考殷薦宗配帝發祥流慶對
越天地者烏尖乎一載豈不克自神明哉誕略有常審言行
於篇籍光藻朗而不渝耳矧夫赫赫聖漢巍巍唐基沂測其
源乃先孕虞育夏甄殷陶周然後宣一祖之重光襲四宗之
緝熙神靈日照光被六幽仁風翔乎海表威靈行乎鬼區憲
亡回而不泯微胡瑣而不顧故夫顯定三才昭登之績匪堯
不興鋪聞遺策在下之訓匪漢不弘厥道至於經緯乾坤出
入三光外運渾元內霑毫正性類循理品物咸亨其已久矣
盛哉皇家帝世德臣列辟功君百王榮鏡宇宙尊不與元乃
始虔鞏勞謙兢兢業業貶成抑定不敢論制作至於遷正黜

尤敵也

意音死僉子康切皆也

厚音敦

夾祖頰切燔扶元切

發莫侯切

貽與之切

德而深切世也

陳也

流演也

色賓監之事。澳揚萬內。而禮官儒林。屯用篤誨之士。不傳祖宗之髣髴。雖云優慎。無乃惠與於是。二事岳牧之寮。僉爾而進。曰陛下仰監唐典。中述祖則俯蹈宗軌。躬奉大經。惇睦辨章之化。洽巡靖黎蒸。懷保鰥寡之惠。浹燔瘞懸沈。肅祇羣神之禮備。是以來儀集羽族於觀魏。肉角馴毛宗於外圃。擾緇文皓質於郊。升黃輝采鱗於沼。甘露宵零於豐草。三足軒翥於茂樹。若乃嘉穀靈草。奇獸神禽。應圖合課。窮祥極瑞。者朝夕。坳牧日月。邦畿卓犖。乎方州。洋溢乎夏荒。昔周姬有素雉。朱鳥玄和黃鰲之事。可右臣動色。左右相趨。濟濟翼翼。峩峩如也。益用昭明。寅畏承丰懷之福。亦以寵靈文武。貽燕後昆。覆以懿鑠。豈其為身。而有顛辭也。若然受之。亦宜勤怠。旅力以克厥道。落恭館之金滕。御東序之秘寶。以流其占。夫圖書

繇道也音由

蕃音煩

歲輕也

戾至也

台音貽我也

覈胡華切

繇音宙。緝音朋。使也。又續也。與緝古字通。

亮章天哲也。孔繇先命聖乎也。體行德本正性也。逢吉丁辰。景命也。順命以創制。因定以和神。答三靈之蕃祉。展放唐之明文。茲事體大而允。寤寐次於心。瞻前顧後。豈蔑清廟。憚勅天命也。伊考自遂古。乃降戾爰茲。作者七十有四人。有不俾而假素罔光度。而遺章今其如台。而獨闕也。是時聖上固以垂精游神。苞舉藝文。屢訪羣儒。論咨故老。與之斟酌。道德之淵源。循覈仁義之林。數以望元符之臻焉。既感羣后之謹辭。又悉經五繇之碩慮矣。將緝萬嗣。揚洪輝。奮景炎。扇遺風。播芳烈。久而愈新。用而不竭。汪汪乎丕天之。大律其疇能且之哉。唐哉皇哉。皇哉唐哉。

新刻文選正文卷之十

門人

原田定賴校

